

KUTSANANGURA HUMWARI

 Ndatenda, Hama Carlson. Ndinokukwazisai mose hama nehanzvadzi vari muna She. Chi...ndinonzwa dzimwe nguva kusada kusimuka, kana ndichiteerera zvapupu zvinoshamisa izvi, nezvimwevo, sezvandanga ndichiteerera mangwananai ano. Uyezve, hama yedu munhamo namatambudzik, samatambudzik akapinda hama nehanzvadzi yedu yokuBhaptist; inivo ndaimbova mu—muBhaptist, pachangu, muMishinari Bhaptist, uye—uye ndichiziva zvazvinoreva kana hama dzako...

² Zvimwe chete zvakaitika kwandiri. Hama dzangu dzakandiramba, uye vakafunga kandidzinga nokuti vaiti ndava kupenga. Uye ndakaona kuti, uye kazhinji ndakazvitaura namadimikira, “Kana ndichipenga, ndisiye ndakadaro, nokuti ndinofara sezvandiri kupfuura zvandaiita nepfungwa dzakakwana.” Hongu, changamire. Ndatenda. Regera ndi... Zvino ifirosifi yangu yandiinayo, yangu. Uye—uye ndafarira chaizvo iyi—iyi nguva yokuva saizvozvi.

³ Uye hama yeChurch of Christ ari pano, sezvatinoidaidza tichiita, kana kuti Campbellite. Uye ndinorangarira kuti vakanga vachirwisa zvakanyanya misangano iyi patakatanga. Asi, munoziva, tinaye ainzi Pauro imwe nguva akanga akadarovo, asi akazova mumwe wedu. Zvino ndinofunga kuti chavanotarira hupenyu hwaunorarama. Munoziva, nguva ipi zvayo, zviri nani kundiraramira mharidzo pano kundiparidzira.

⁴ Imwe nguva yakapfuura, muparidzi mukuru, murume akanaka kwazvo wefull-Gospel; mose—mose munovaziva, ndinovimba kudaro. NdiRev. Booth-Clibborn; vanoparidza vhangeri mumitauro minomwe yakasiyana. Vakachenjera. Uye nda...Inyanzvi muzivo. Zvino taifamba tose pane imwe nguva, ivo nehama Moore neni, uye pane zvatakanga tichitaurirana. Zvino ini ndaipesana nezvavaitaura, zvino vakacheuka ndokunditarira. Vakati, “Hauzivi Bhaibheri rako.” Munoziva mataurire eHama Booth.

⁵ Ndikati, “Ichokwadi, Hama Booth, asi ndinoziva Munyori waro zvakanyanya chaizvo.” Nokudaro, nokudaro ndi—ndinoda... Munoziva, kwete kuti kuziva Shoko Rake ndihwo Hupenyu, asi, “kuMuziva ndihwo Hupenyu.” Ndizvo chaizvo. Maona? Kunyangwe ndikaziva Shoko Rake; asi dai ndikaMuziva! Uye ndicho Chokwadi.

⁶ Mangwanani ano, ndanga ndichimhoresana, neboka iri rakanaka riri pano, ravaparidzi. Uye pano panga pakagara ava... handisi kuitira kuti ave anowonekwa. Asi papinda, hama,

yagara yechitema. Ndati kumunyori wangu ari pano, “Uyo ndiyе muKristu chaiye.”

⁷ Andifungidzisa zvakanyanya hama Elder Smith aiva weChurch of God in Christ, ndinotenda kudaro. Ndaivaparidzira zvakanyanya ikoko, uye—uye ndiri kutoona zvavaiva. Vairatidzika sehamma iri pano iyi, chete ivo vaiva nendebvu chena dzapamuromo. Ndaipinda nomukova weseri, uye handikanganwi kutaura kwomukuru uyu; aisitarisa mudengwa, uye vatsvene vose vainge vachiimba, munoziva. Zvino paiva nomusikana aigara pakona. Uye rwyo rwandaidisa ndi*Lift Him Up*. Vose vaiuchira maoko, maitiro echipentekosta, munoaziva, *Lift Him Up*. Vaindida, uye ini ndaivadavo. Uye pataipinda. Vaiwanzogara apo, nomusoro wavo wakadai *izvi*, padhesiki, vachivatarisa, munoziva. Vaiti, “Pindai, mukuru. Tsvetai ngowani. Tsvetai ngowani.”

⁸ Hama iyi iri pano; uye ndakazoziva, ipapo, kuti muimbi wenzimbo dzeEvhangeri dzandinodisa mudzimai wake. Uye ndaedza kuratidza kwose kwandinokwanisa, kuti aimbe. Asi, zvino, akumbira kuti vasamudaidza, zvino ndinoziva zvazvinoreva. Asi ndichakumbira ndimene, kana vachikwanisa, vauye vaimbe.

⁹ Zvino, hamusimi here hanzvadzi yakaimba—yakaimba, rwunonzi *Ship Ahoy*, mamwe mangwanani kuChristian Business Men, zvino? [Hanzvadzi inoti, “Hongu, changamire. Hongu.”—Mupepeti.] Ndinovimba kuti mudzimai wangu achauya vhiki ino, uye ndinoda kuti akunzwei, nokuti ndakavhaira zvakanyanya. Uye mukasazviisa patepi, tichapedzerana. Ndinoda kuimba uku kwakanaka.

¹⁰ Uye, ndaisiudza vanhu, ha—handikwanisi kuimba. O-o, zvangu, ndiri kure chaizvo kwazvirи. Asi ndakati, “Kana wasvika Kudenga uchigara mumba yako huru, munoziva, kumusoro Ikoko,” ndakati, “pasi pegomo, mukati mesango imomo, panenge pane kaimba ipapo. Inenge iri yangu. Zvino mamwe mangwanani ukabuda pavharanda wonzwa wakamira ipapo munhu, achiimba, ‘Tsitsi dzinondishamisa! zvinofadza sei, dzakandiponesa!’ Iti, ‘Mwari ngaArumbidzwe! Hama Branham vakakunda.’” Ndini ndinenge ndakateerera, ndichiedza kuimba ikoko.

¹¹ Kuhama dzangu dzechKristu, uyevo ku...ndinovimba kuti nokuhama yataratidzwa, mangwanani ano, somufundisi wechiBhudha, ari apo. Ndinokukwazisavo iwe, shamwari yangu inokosha. Ndakashanda zvikuru, kwete zvakanyanya, navanhu vechiBhudha; kunyanya muCanada, pakati pavanhu vokuChina, uye ndakaona vari vanhu vano rudo uye vanofadza.

¹² Ndinorangarira mumwe murume wechiBhudha kubva mutembere yechiBhudha, akauya mumusangano weWinnipeg, uye aiva bofu. Vanhu vakatsonga zvakanyanya, vanhu

vanofadza, uye vaitendavo chokwadi kuti Mwari mupodzi. Zvino ndiri kumunamatira, uye iye adzokorora kutaura, kuti aida Mwari sei, pakarepo maziso ake akasvinudzwa, mu... Uye chakava chi—chishamiso chaicho. Nokudaro, ti—tinofarira munhu wose nani nani zvake.

¹³ Zvino, handina kumbova nenguva yakadai kamashure, muChicago, yokuti nditaure... Zvichireva kuti, hapana mharidzo yandingaedza kuunza, nokuti varipo pano vaparidzi vanokwanisa, kuparidza kundidarika. Asi, zvazvo, hamusi pano kunzwa mharidzo. Asi ndafunga kuti ingava nguva yakanaka kuti ndisangane navafundisi veChicago, dunhu rino iri, uye kuti ndizivane navo, uye tijairane tose. Uye ndinotenda Ishe kwazvo nenguva iyi. Nokuti, ndakauya muguta rino kakawanda, ndichitsigirwa nechechi imwe chete, uye ndichitsigirwa neveChristian Business Men; uye, handina kuva nomukana wokutura neboka rehama.

¹⁴ Uye—uyevo ndakafunga, zvino pane zvakawanda zvinotevera shumiro seiyi, zvinouya, uye zvinofadza nezvisingafadzi, kusvikira zvinova nyore kuti munhu aite maonero asiriwo. Zvino ndinoda kutora maminetsi mashoma anotevera kuedza kutsanangura uye—uye kuisa pachena kuhama dzangu, kujekesa pandinokwanisa napo.

¹⁵ Ini—handina kukodzera uye handikwanisi ku—kutaura nyaya ingabatsira vanhu vakadzidza. Handina dzidzo, ndakaishayiwa. Asi ndaiva...Ishe ndinovada. Zvino Ishe vakandipa, imwe nziravo yokuponesa mweya, nechipo Chitsvene, kuti chizadzise pakataira nokutadza kwavabereki vangu, kundipa dzidzo. Ndinobva mumhuri yavarombo, taiva vana gumi, uye baba vaiva ndonda, zvino handina kukwanisa kuwana dzidzo yechikoro. Saka zvino, asi, pakuzvarwa kwangu, pane chinhu chakaitika, zvichiitwa naMwari, kuna mai nababa vangu. Uye makaverenga rungano rwangu. Uye, naizvozvo, ndinoedza kuisavo chidimbu changu, pamwe chete nemi hama, kukwezva vatadzi kuna Kristu. Uye iko zvino...

¹⁶ Zvino handitendi zvokufembera. Asi nguva dzose, ndisati ndavhura Shoko, ndinoda kutaura kuMusiki zvishoma. Tikotamisei misoro yedu zvakare kwechinguvu.

¹⁷ Baba vedu vanokosha, Muri Mwari wedu, tiri kuswedera kwaMuri takamirira Evhangeri. Ndiri pano pamberi pavana Venyu, vafudzi Venyu, uye nehama dzokutenda kumweko. Zvinofadza mwoyo wangu kunzwa varume ava vasina kunzwisiswa, vakaiswa mumajeri, nokuda kwoHushe hwaMwari; tichiona kudaidza kwaMuri kuita vana Venyu mumazuva ano okupedzisira.

¹⁸ Tinotenda, Baba, kuti tiri kurarama kumagumo ezvose. Sokutaura kwomuprofita, “Asi nenguva yamamheru pachava neChiedza.” Uye tinotenda chaizvo kuti tiri nhume dzeChiedza

chikuru cheEvhangeri chaMakabvumira, kuti nenyasha Dzenyu, titakure kusvika kumagumo enyika, kwaenda rumutsiriro runo.

¹⁹ Uye ndinonamata, Baba, kuti, kubva mumwoyo mangu, Mundibatsire kuti ndikwanise kutaura kuhama dzangu, mangwanani ano, donzvo nechinangwa chohupenyu hwangu kwaMuri, kuti vagonzwisia. Itai, kuti tigova norudo rwakakwana, kuyanana, kubatana, uye kushanda kwose kweEvhangeri. Tinozvikumbira muZita raJesu, Akanamata kuti tive vamwe, saIye naBaba Vake vaiva Vamwe. Tichitenda izvi, kuti, "Neizvi vanhu vose vachaziva kuti muri vateveri Vangu, kana mune rudo, mumwe kuno mumwe." Ameni.

²⁰ Zvino ingo... Uye ndinovimba nokutenda kuti handikuremedzii hama nehanzvadzi, neizvi. Asi ndinofunga kuti ndinoda kujekesa, kuti mugorega kuzonzwa zvinotaurwa nomumwe mumafungire ake. Ndakatsanangura, kazhinji, mune imwe misangano yavaparidzi, asi ndiko kokutanga kuboka reChicago, uye ndinoda kuti mundinzwisise zvakanaka, pane zvandiri kuedza kuita.

²¹ MuShoko dzvene pano, pachitsauko 26 cheBhuku raMabassa, tinoverenga.

*Naizvozvo, mambo Agripa, handina kuramba kuterera
chiratidzo chokudenga:*

²² Uyu, tinoziva tose, kuti ndiPauro ari kutaura. Uye, isu, vaprovidzi tose, tinoda kunongedzera kwaari, nokuti a... Isu, pamwe chete, tinobvumirana kuti akanga ari muapostora kuchechi yamaHedheni, akadanwa naMwari ku—kuva chapupu kumaHedheni. Pakanga paita mubvunzo pamharidzo yake.

²³ Kazhinji, chinhu chose chisina kujairwa chikasimuka, mibvunzo inovapo. Izvi, ndinofunga kuti hapana chakaipa ipapo; zvakafanira kuti vanhu vabvunze. Uye ndinofunga kuti vafudzi dzimwe nguva vanochenjera—zvinhu zvavanonzwa, zvino ndinofunga kuti vane kodzero yokudaro. Nokuti, kana ndichiziva kushandurwa kwenzwi rinoti *pastor*, rinoureka "mufudzi." Zvino, nokudaro, mu—mu—mufudzi, kana mutariri, weboka ravarume navakadzi raakaitwa mutariri noMweya Mutsvene. Zvino ane kodzero yokuziva chikafu chiri kudyiwa namakwai ake, uye kwachiri kubva. Ndinofunga ane kodzero iyoyo.

²⁴ Zvino kana mufudzi, dzimwe nguva kana vanhu, vakaita sokuchenjerera, hazvimbo, hazvifaniri kunetsa ani zvake. Zvinofanira kutounza kuremekedza kumwoyo womunhu, kumunhu akadaro—angavhunzurudza. Uyevo, kunyange, kana usina chokwadi kuti wakamira zvakanaka, haugoni kufamba nokutenda?

²⁵ Ukaisa mupfungwa dzako... Zvino, izvi zvinoita sezvepfungwa; pamwe zvinenge ndizvo, izvo ndizvo, asi hazvinei zvakanaka. Asi kana ukafunga, kubva pakadzika pomwoyo

wako, kuti haukwanisi kusimuka patafura ipapo, zvichida hauzokwanisi. Maona? Uno... Zviri nyore zvakadaro.

²⁶ Unofanira kutenda. Unofanira kuva nokutenda. Unofanira kuva nokugutsikana. Zvino untagutsikana sei nechinhuchausingazivi kwauri kuenda? Ndingadhiraivha sei munzira yandisina kumbofamba, ndichimhanyisa kwazvo, nomumakona, ndisingazivi zvinotevera ndapfuura kona? Unofanira kuona kwauri kuenda, kana kuti haungazivi mafambiro. Ndizvo zvinofanira kuita ani nani. Zvino paunokwanisa, unoona, nokuti zvazarurwa kwauri, zvino woziva kwaunoenda, uye hapana chichakumisa.

²⁷ Uye, ndinofunga kuti, Pauro, zvaaida kuudza Agripa pano. Kuti, iye—aivaudza kuti, “Kare ndaimbova mumwe wenyu.”

²⁸ Uye ndinotenda, kuti, kana—kana hama iyi yeBaptist, ikaenda kuchechi yeBaptist mangwanani ano, iye nomudzimai wake, chingangova chapupu chavo. “Ini—ndaimbova mumwe wenyu.”

²⁹ Kana, Church of Christ, kana—hama yeCampbellite vari pano, vakaenda ku—kuvanhu vovo. Ndinotenda ine zita riri nani; Vateveri vaKristu ndiwo madeedzerwe avo, asi vanotevera dzidziso yaAlexander Campbell. Zvino Church of Christ yakabudavo, munoziva, nechikonzero chokuimba nokuridza. Ndizvozvo, handizvo here? Zvino kana vakadzokerako, vanondoti, “Ndaimbova mumwe wenyu.”

³⁰ Zvino apa Pauro anodzokera kuna Mambo Agripa, naFesto, achiti, “Ndaimbova mumwe wenyu. Ndaiva muFarisei wamaFarisei.” Akadzidziswa naGamarieri, mudzidzisi mukuru, aiziva maitiro nemirairo yavo yose, uye zvavaitenda nezvavaisatenda. Akati, “Kana ini ndakatambudza Chechi yaMwari kusvika pakuuraya.” Munoonaa? Akati, “Ndaiva mutambudzi, wezvihu zvandiri kubvunzwa nezvavazo.”

³¹ Ndagara ndichifunga kuti rufu rwaStefano rwakatambudza Pauro, paakaona kubwinya kwechiso chaStefano. Paakatarira kudenga, mavhinga achimutema kuti afe, akati, “Ndinoona Jesu amire kurudyi rwaMwari.” Zvino munoziva, ungakwanisa kuuraya nhume, asi haukwanisi kuuraya mharidzo yake. Ichokwadi. Zvino mharidzo, kunyangwe Stefano akanga aenda kundova naJesu, asi, mharidzo yake yakaenderera mberi, nokuti Pauro akaramba achitaura nezvayo, uye, aiva “mudiki” pana vose, uye asingakodzeri kuva mumwe wavo, nokuti akaona uye—uye akabatsira pakuuraya mutsvene uyu.

³² Zvino, Pauro, sezvinoita, varume vose, pamperi pedare, Pauro akatora ma—maitiro ake, kumashure, kubva pakutanga, kusvikira paakanga ava; ndokuzvitsanangura achizviratidza neGwaro, kuti maitiro ake akanga ari paShoko. Kunyangwe

zvaipesana namatendere avo, asi akavaratidza kuti aiva Magwaro.

³³ Nokudaro, ndinofunga kuti isu... Chipi zvacho, sokutaura kwangu kazhinji, hama, imi makambopinda mumisangano, kuti, kana ndikazowanikwa ndichitaura zvinhu zvisiri muMagwaro, zvino ndinotenda ichokwadi kuti...kana hama ipi zvayo, tinotofanira kutorana toti, "Hazvisiri muBhaibheri," maona. Kana zviri muBhaibheri, ungava nedudziro yakasiyana; asi, kana, zviri muMagwaro, zvakanaka.

³⁴ Zvino, Pauro aipa dudziro yake pane zvakanzi nomuprofita, uye zvakanzi naMosesi, zvaizoitika. Uye akaona Jesu panzira, muchiratidzo. Zvino Jesu yuu akamudaidza.

³⁵ Zvaisafanira kuva, zvinhu zvakaoma kumaJudha aya, sezvaakati, "Imi munokudzwa mambo Festo," uye—uye nezvimwevo, akati "zvingakushamisi here, kuti Mwari amutse vakafa?" Maona? "Nokuti kana muchiziva zvakaita Mwari kare, na—naMagwaro, chokwadi munoziva kuti Anokwanisa kumutsa vafi."

³⁶ Zvino akati, akavaudza zvakaitika panzira achienda Dhamasko, zvakaitika, kuti, vazine kuti Jesu iyeyu—wawaiitira bongozozo rakanyanya pamusoro pokuparidza kwaaiita, Akanga ari Mwari mumwe chete wavainamata nguva dzose. Nokuti, Aiva navo murenje, Akavatungamirira, ari Chiedza chiya; Mwoto, Shongwe yoMwoto yakavatungamirira. Uye Akazviratidza kuna Pauro nenzira imwe chete, seChiedza zvakare, chakamupofomadza. Akati, "Ndimi Aniko, Ishe?"

³⁷ Iye Akati, "Ndini Jesu, waunotambudza. Uye zvakaoma kuti upfure zvibayiso."

³⁸ Aiedza kutsanangura kwavari kuti chaiva chii, uye—uye aiedza kuvadzidzisa kuti, zvaaparidzira vanhu, akanga, ari, "Jesu Kristu aiva Mesiasi, uye kuti Akafa, Mwari akaMumutsa." Zvichienderana naMagwaro. "Uye kuti zvino Akakwira Kumusoro kudenga, kuna Mwari Baba," uye kuti—kuti iye aiva chapupu chokumuka Kwake. Zvakare, kuti, mashura aya, nezviratidzo, nezvishamiso, zvaishamisa kuvanhu, zvakanga zvisiri zvitsva kumutendi, weShoko chaiye, nokuti Bhaibheri rakataura nezvavzo.

³⁹ Tarirai shure kuvaprofita, kuti vakaprofita sei, nezvokuuya, kwaMesiasi, uye nezvaAizoita, "Anokamhina achakwakuka senondo," muna Isaya 35 uye Magwaro akasiyana-siyana aangadai akataura. Pano hatina pakanyorwa, asi zvichida tikadzoka kumashure tichinongedzera kumharidzo yake pfupi pamberi pamadzimambo; nokuti, zvichida havana kumupa nguva kuteerera sezvamungaita kwandiri. Zvino, iye—aitsanangura, achiedza kuvaudza kuti Mwari wavainamata...

⁴⁰ Uye, zvakare, akati, "Nenzira inonzi *kupenga*," zvichireva, "hupenzi," munoonaa. "Nzira inonzi hupenzi, ndyo nzira

yandinonamata nayo Mwari wamunonamata.” Maona, “Nenzira inonzi kupenga.”⁷

⁴¹ Ndine chokwadi chokuti, nhasi uno, tikamira namachechi edu ataimbopinda, sePresbyterian, Katorike, Bhaptist, nedzimwe, tingataura zvimechete kwavari vanoti vanoda, sokuisa, hama muwadhi yamapenzi, kana zvimewe zvakadaro. “Nenzira inonzi hupenzi, ndiko kunamata kwandinoita Mwari wamadzibaba edu.”

⁴² Zvino chakanga chiru chapupu chikuru chakadini kuna Agripa, uye ari pakati petsananguro yake, Agripa akadanidzira, akati, “Pauro, Sauro, unenge unoda kundiita muKristu.” Tarisa, kuti, akajekesa Magwaro zvakadini, kunyangwe zvaipesana nesinagoge rake. Asi Magwaro akanga ava pachena zvakanyanya, kusvikira akati, “Unenge unoda kundiita sezvauri.”

⁴³ Pauro akati, “Ndaishuva dai maitwa, seni, kusiya kweketani idzi dzandinadzo, maona,” asi kuva mutendi saiye. Namamwe manzwi, kana ini...“Ndinoshuva kuna Mwari kuti muone kuzarurirwa se—sekwandinako.” Namamwe manzwi, “Ini—Ndinoshuva kuti deno madaro.” Maona? “Ndinoshuva kuti mudaro.”

⁴⁴ Apo, Festo, ndinotenda kuti, akamuudza kuti akanga “adzidza zvakanyanya,” akanga ava “kupenga.” Asi akamuratidza kuti akanga—asingapengi; kuti iye—aiziva zvaaia.

⁴⁵ Zvino ndingataura izvi, mangwanani ano, hama. Ini ndinoda kurerekera...Kwete kuhupenyu hwaPauro, asi kungotaurauovo zvishoma. Nokuti, varipo pano vazhinji vangangotaura mangwanani ano, asi ndaida panguva ino kutaura izvi. Zvino ndinoshuva kuti chechi imwe neimwe, sezvandanzwa muchitaura, Bethel Temple, Independent, Assemblies of God, nedzimwe dzakadaro...Ndinoshuva kuti dai mukaona zvandiri kuona. Dai maikwanisa, ndinoshuva kuti dai maikwanisa kuona zviratidzo zvandinoona, zvino munozonzwisisa zvakanaka, shumiro iyi.

⁴⁶ Pandakabuda muchechi yeBaptist, kuuya mupentekosta; nguva iyoyo Dr. Roy E. Davis, vakanga vandigamuchira kupinda muchechi yeMissionary Baptist, vakandiudza kuti ndakanga ndaita hope mupengo, pakauya chiratidzo chaShe uye—uye chikataura neni. Uye—uye munoziva kuti kutenda mukupodzwa kwavarwere kwaiva papi, kwakanga kwakaderera kwazvo.

⁴⁷ Uye—uye handina zvandaiziva nezvePentekosta. Ndakanga ndanzwa kuti iboka ravatsvene vasingazvibati vachibuda rute sembwamupengo, uye vaiita zvokuvafuridza kuti vabengenuke, uye nazvose zvakangodaro. Ndizvo chete zvandaiziva pamusoro pavanhу vePentekosta.

Vakati, “Unofunga angakunzwa ndiani?”

⁴⁸ Ndiakati, "Kana Mwari achindituma, kuriko kwaAri kundituma uye aripo andiri kutumwa kwaari." Ndizvozvo. Munona? Nokuti, ndakati, "Dr. Davis," ndakati, "Kwakanga kusiri kufananidzira; Ndakamira ndikaMuona," Ndakadaro. Akandiudza nezvezviratidzo izvozvo . . .

⁴⁹ Ndinotenda zvikuru, hama, kuti—kuti zvipo nokudanwa kwake hazvishandurwi. Ndi—ndinozvitenda. Unoberekwa, haungashanduki kuva zvausiri. Uye pose paunoedza kuzvishandura, uri kuita munyengeri. Zvino Mwari ngandife zvangu pakuti ndive munyengeri, maona. Ngandive zvandiri, uye zviri pachena zvinoonekwa. Zvino—zvino, ipapo, nga—ngandive izvozvo, zvino munhu wose anobva aziva. Woziva sezvazviri.

⁵⁰ Zvino, sezvamunoziva, handina kudzidza chikoro, sezvandareva. Zvino mu . . . mudzidzo dzeBhaibheri, ndini asina zvaanoziva. Ndinofunga munozviziva, maona. Uye kuti ndiri muparidzi, ndinotoshaya kuti ndingazvidaidza sei kudaro, nokuda kwokushaya dzidzo nokusakwanisa kutaura manzwi sezvaanoitwa, nezvimwevo. Asi zvishoma zvandinoziva, ku . . . sezivo yangu, nezvaShe Jesu, nenyasha Dzake, ndinoedza kugoverana nehama dzangu kwose, kugoverana izvi.

⁵¹ Zvino, asi, pandakabuda muBaptist chechi; inova chechi bedzi yandakanga ndiri nhengo, kana kuti yandakanga ndagadzwa mairi. Uye ndakagadzwa mugore ra1933, muchechi yeMissionary Baptist, kuJeffersonville, kuIndiana. Chechi iyi ibato re—re . . . reSouthern Baptist Convention. Zvino, panguva iyi, nda . . . pandakabuda ndikango . . .

⁵² Zvino, chechi yeBaptist imwe neimwe yaiva nesimba rokuita zvainoda. Tose—tose tinozviziva, ine—ine . . . Unokwanisa kuperidza chose chaunoda, kana zvichitsigirwa neungano yako ichikwanisa kuzvitenda. Vanongo . . . Unoparidza zvaunoda.

⁵³ Uye ndinozifarira izvi, munoona, nokuti ndinotenda ndizvo zvaiitwa navaapostora. Nokuti, musoro, nzvimbo huru muchechi, mufudzi, tinozviziva izvi, kuti mufudzi. Zvino—zvino kana—izvi . . . Kana mumwe bhishopi kana mumwevo zvake achidzivisa kuzarurirwa kwomufudzi, zvino Mwari angashanda sei muchechi yake? Maona, haungazvinzwisisi. Nokudaro, ndine . . .

⁵⁴ Nokudaro pandakabudamo, ndakasangana neboka rokutanga, pakapodzwa mwana Betty Daugherty, paSt. Louis, kuMissouri. Zvino yakanga iri Pentecostal United, kana kuti Pentecostal chechi inonzi Jesus' Name, kwaipinda mufudzi uyu, uye mwana wake akapodzwa. Kutaura pachena, ndakafunga kuti ndizvo zvakaita kuti ave mupentekosta, nokuti vaizviti, "Jesus Only." Uye ndaifunga kuti ndovepentekosta, nokuti

vaizvidaidza kudaro, uye ndaiti ndiwo waiva mutsauko. Zvino, zvakanaka, kubva ipapo ndakaenda ku . . .

⁵⁵ Uye mumwe murume; aiva nomusangano mukuru muSt. Louis, mufananidzo wacho unoonekwa imomo. Takapindira muKiel Auditorium; uye manheru okutanga, neechipiri, makapinda zvuru gumi nezvina, hatina kutombokwanisa ku . . . vakatozoisa mapurisa pamikova, kumisa vanhu kuti vasapinda.

⁵⁶ Tichibva ipapo, takaenda kwaRichard T. Reed, weBlessed Old Bible Hour Tabernacle, kuJonesboro, aiva wesangano rimwe chete. Kubvapo takaenda, kwaDr. G. H. Brown, wesangano rakare iroro, pa505 Victor Street muLittle Rock, iri muArkansas. Uye, tichibvapo, takaenda kumuganhu negungwa kuMadokera.

⁵⁷ Zvino, pandakasvika kuMadokero, ndakapinda mumwoto. Ndakazoono kuti pakanga pane mapoka akawanda amapentekosta, mumasangano avo, sezvatinazvo kuBaptist. Maona, akanga—akanga akawanda kwazvo akasiyana-siyana, vaivapo, vakasiyana. Paiva neAssemblies of God, Church of God, nedzimwevo, neiyi, neyo, ne—nedzakasiyana-siyana. Uye dzichipesana, zvino vakanga vapamuka-pamuka uye vaisirana miganhu. Zvino dzimwe hama dzose dzikatanga kuuya kwandiri, dzichiti, “Saka, muri Jesus Only, ndokusaka muchishanda neboka iri.”

⁵⁸ Ndiati, “Kwete, handi—handizvidaidzi kudaro.” Maona? Akati, “Sei, muchidyidzana navo?” Ndiati, “Asi, hazvi—hazvinditi mumwe wavo.” Maona? Uye ndakati, “Ini—ini—ndinongo . . . Dzinongova hama.”

⁵⁹ Akati, “Hauzivi, iboka re . . . Hauzivi, kuti havana chavanacho kunze kwokuvu boka ramagora nezvimwewo, akazvigarira, saizvozvo. Apo . . .”

⁶⁰ Ndiati, “Zvino, wati chii. Ndinosangana navanhu vano humwari chaihwo imomo. Uye vanhu vaMwari.” Uye ndakati, “Ini—handidi kuti vakaipa; nokuti, havana kudaro.”

⁶¹ Zvino, ndakaedza kuzvisiya zvakadaro, ndisina rutivi rwandaitora. Zvino, ndakatanga kuziva kuti chavaitenda chii, uye kuti kuplesana kwavo kwaiva papi, uye kuti chii chakaita kuti vasiyane. Zvino ndakaona kuti mapoka maviri makuru acho, rimwe, rainzi Jesus Only, rimwe richinzi Assemblies of God. Vakabuda, kana kuti vakaparatzana, nokuda kwenyaya yokubhabhatidza nemvura; vamwe vachishandisa “Baba, Mwanakomana, noMweya Mutsvene,” vamwe vachishandisa Zita ra “Jesu.”

⁶² Zvino, ndakatarira, ndikaona kumapoka ose kwaiva navarume vane mbiri, varanda vaMwari. Ndakafunga kuti, “O Mwari, dai ndikaona vachibatana, vaenderere mberi uye vave ne . . . asi vasingaisi miganhu, voti, “Hatiwadzani.” Asi ndakaona, mukati mavo, kuti mweya wakaipa wapinda pakati pavo ukakonzera ruvengo negodo, panyaya dzavakanga

vasingabvumirani. Ndakafunga kuti, ndizvozvo chaizvo zvinodiwa nadhiaborosi. Ndizvo chaizvo zvaanoda. Kana muchinongedzerana pfuti, iye anobva azorora zvake. Uye ndi...

⁶³ Zvino, pamagumo, zvakazosvika pamangange. Mangange aya akaitwa paSeattle, muWashington, ringangova gore ra1946. Mamwe mangwanani ndakaunzwa pamusuvo weimwe hotera, yakafanana neino, kuti tive no—nokudya kwamangwanani navamwe vaparidzi. Ndainyanya kutaura navarume vaviri vaiva vakuru vacho.

⁶⁴ Mumwe wainzi Dr. Ness. Ndinofunga kuti imi hama dzeAssemblies of God munomurangarira. Kwaiva kunzvimbo yokumavirira kwemaodzanyemba; murume anozikanwa, akachenjera, akadzidza. Uye aimirira Assemblies of God.

⁶⁵ Kuchiuyavo, Dr. Scism wechechi inonzi United Pentecost. Ndinofunga imi hama dzeUnited Pentecost munovarangarira. Aibvavo kumatunhu emavirira kwemaodzanyemba ikoko, ndiyе aiva mukuru nomutungamiriri wenzvimbo dziriko.

⁶⁶ Zvino, varume vaviri ava vakasangana. Uye ndakanga ndichifanira kuzotaura navo, nokuti zvinhu zvaka—zvakanga zvaipa, zvichinanga ini kubva kumativi ose. Ndakafunga kuti, “Ndoita sei? Ndingaita sei?”

⁶⁷ Zvino, zvakanaka, vakti, “Zvakanaka, unofanira kuti utore rutivi navava kana avo. Kana ukatora rutivi noveJesus Name, unenge uri weJesus Name. Kana watora rutivi noveAssemblies of God, wosiyana noveJesus Name, wowa weAssemblies of God, kana zvakada kufanana neizvi.” Zvakasvika pachinhanko chokuti ndaifanira kuratidza pandakamira.

⁶⁸ Ndakanamata chaizvo mangwanani acho ndisati ndaenda. Ndakati, “Mwari, ndibatsirei. Nokuti, pana varume vaviri ava vano mukurumbira; nezvuru zavaranda. Uye Makandituma nemharidzo. Zvino vose varanda Venyu. Ndingatsamirana here nerimwe sangano iro richirwisa rimwe?” Maona? “Ini—handioni zvakanaka kuti ndidaro. Handifungi kuti kungava kuda kwaKristu kwandiri kuti ndidaro.” Ndakati, “Mwari, ndibatsirei mundipe chimwe chokuita, kana chimwe chokautaura.”

⁶⁹ Zvino handina mumwe wandaiva naye. Ndaitomira, ndoga naShe Jesu bedzi, mangwanani iwawo.

⁷⁰ Zvino, dhibeti guru rakananga. “Tinoda kuziva kuti uchaita sei? Ucha—ucha—uchatora sarudzo ipi?”

⁷¹ Ndikati, “Sarudzo yangu yakatoitwa. Kutu, sarudzo yangu, kumira pakati penyu, ndisina bato randinomira naro; ndoti, ndakakumbundikirai mose, ‘Tiri hama.’ Maona? Maona, tiri hama. Maona? Uye ndakati, Ndakaedza kuverenga mabhuku ose andaikwanisa, kuti ndione kuti zvakatanga sei, izvi zvainzi ‘dzidziso itsva,’ uye kuti vakatsaurana sei, uye kuti *uyu* akatanga nenzira iyi neiyo sei.” Uye

ndakati, “Gakava riri pakati penyu,” ndakati, “ndizvo zvakaparadzanisa vatendi vapapenticosta, pazuva... kumashure kwePentekosta. Vakatanga kukakavadzana.” Uye ndakati, “Ndizvo zvinokonzerza kuplesana zvakare.”

⁷² Ndakati, “Pangava netariro here yokuti muanane pakati penyu, imi hama? Chiripo here chinga—chingamiswa?”

⁷³ Zvino, havana kukwanisa kupindura, nokuti vakanga vachipesana zvakanyanya. Munoziva, makore gumi namashanu, kana makumi maviri apfuura, kuti zvakanga zvakaita sei, nokuti rimwe boka rakanga rabuda mune rimwe, uye paiva negakava guru kwazvo.

⁷⁴ Zvino ndakati, “Zvakanaka, hama, hezvino zvandichaita. Ndicha... Mwari haana kunge andituma kubhabhatidza, zvisinei. Uye Akandituma kunamatira vana Vake vanorwara.” Ndakati, “Zvino, ndicha—ndichamatira vana vake vanorwara, asi imi vaparidzi bhabhatidzai henyu,” ndakadaro.

⁷⁵ Ndakati, “Zvino ndinoda kukubvunzai chimwe chinhu, kuti munzwisise.” Ndakati, “Hama Ness, ava vanhu veJesus Name, munotenda here kuti pavakataura nendimi vakagamuchira Mweya Mutsvene nokuita zvimwe chete zvamunoita imi muAssemblies of God?

Vakati, “Hongu ndinozvitenda.”

⁷⁶ Ndikati, “Hama Scism, munotenda here kuti veAssemblies of God pavakataura nendimi waiva Mweya Mutsvene uye uchiita zvimwe chete sezvamakaita pamakaugamuchira?”

Vakati, “Hongu, ndinotenda.”

⁷⁷ Ndakati, “Zvino, Bhaibheri rakati, ‘Mwari anopa Mweya Mutsvene kuna vanoMuteerera.’ Zvino, ndiani akamuteerera? Ndiani akaMuteerera? Ndiani wenyu akaMuteerera? Iye Mwari akakupai mose Mweya Mutsvene, maona.”

⁷⁸ Ndakati, “Hama Scism, mungati here, Hama Ness havana Mweya Mutsvene?”

Vakati, “Kwete.”

⁷⁹ Ndakati, “Mungati here Hama Scism havana Mweya Mutsvene?”

⁸⁰ “Kwete.” Maona? Vaibvumirana kuti vose vaiva noMweya Mutsvene.

⁸¹ Asi, munoona, hazvirevi chinhu, hama. Hazvirevi chinhu. Ndakazonzwa, mushuremekanguva nezvazvo...

Ndichadzokera kunyaya yangu munguva pfupi.

⁸² Hama yechiFinnish iri pano iyi, kumashure kwokunge ndabva kuFinland; uko Mwari akatipa, sokufunga kwangu, mumwe wemisangano mikuru. Uko kwakamutswa, mukomana akanga afa, nezvimwe zvakawanda. Ndakasangana naye muStockholm, kuSweden, ndaiva naLewi Pethrus weChechi

yePhiladelphia ikoko, munhu waMwari ano mukurumbira, weChechi yePhiladelphia. Hama Gordon Lindsay, vakanga ari panguva iyi...ndinofunga. Handifungi kuti achiri kupinda ikoko, asi akanga ari nhengo yeAssemblies of God.

⁸³ Uye Assemblies of God inonditsigira zvikuru, pasi pose. Uye veFoursquare, vakabuda muAssemblies of God, vanonditsigira zvikuru. VeOneness, pasi pose, ndivo vamwe vatsigiri vangu vakuru. Maona? Zvino ndakamira ndakadaro, ndichisiya zvinhu zvavaipikisana, ndikasarudza, kusatora rutivi panharo idzi. Kusvikira taona kuti tiri hama, uye tauya pamwe chete, uye tose tava—tava kuona chinhu chimwe chete, chatiri kuuya pachiri, chikonzero nechinangwa chatiri kuitira izvozvo.

⁸⁴ Uye iwe—unofanira kuera chido nechinangwa, kutanga. Kutanga, tsvaga kuda kwaMwari; woona chinangwa chako; uyezve woera donzvo rako woona kuti rakanaka here. Zvino, sokutaura kwaJesu munaMarko 11:24, “Kana ukati kugomo iri, ‘ibva,’ usingapokani mumwoyo mako.” Zvino kana uchipokana mumwoyo mako, kuti kuda kwaMwari here, uye kana donzvo rako nechinangwa chako zvakaipa, zvingafamba sei? Asi kana uchiziva kuti chinangwa chako chakanaka, uye kuti kuda kwaMwari, uye chinangwa chako chakanaka, zvinofanira kuitika. Ndizvozvo, kana kuti Mwari akatura zvisiri izvo.

⁸⁵ Ndicho chikonzero, pandinomira ndichiparidza, mumachechi, handitauri zvinhu izvozvo papuratifomu, nyaya idzodzo. Ndinosiya zvakadaro. Maona, zviri kwamuri varume. Maona? Ndiri pano kukubatsirai kuunza vanhu kuna Kristu, nechipo Chitsvene, munoonaa. Maona? Hazviiti kana mutsauko...Imi bhabhatidzai henyu. Asi kana zvasvika...

⁸⁶ Zvisinei, ndakadaidzwa mazita ose avaikwanisa. Ndakapiwa mazita, handizivi kuti mangani, kubva pakunzi “mwa—mwanakomana waMwari ari munyama” kusvika pakunzi “dhiabhorosi.” Chokwadi, zvose. Asi, seri kwazvo zvose, ndiri hama yenu, mugari pamwe chete nemu muHumambo hwamwari; ndichishandira muHumambo, pamwe chete nemu mose. Zvino ichokwadi.

⁸⁷ Zvino, kana zvakanaka, uye muchifunga kuti tine nguva yakakwana, ndinoda kukuudzai kuti takataurirana sei. Zvinganaka here, hama, kwakanguva? [Hama dzinoti, “Zvakanaka. Ichokwadi.”—Mupepeti.] Hama, Hama Ness navamwe...Zvakanaka. Zvingangova zvishoma asi zvingangokubatsirai. Zvingangokubatsirai kunzwisia, zvimwe.

⁸⁸ Ndanyora, pano, zvimwe zvezvinhu zvandarangarira. Uye zvandatora pane zvakaitikapo. Uye zvino vakandivhunza, kuti ndaitendei nezvo “hutatu,” ndaitenda here kuti kuna vanamwari “vatatu?”

⁸⁹ Zvino, hama, tichisvika pane izvi, ndinovimba kana, ndapedza, ticharamba tiri hama sezvatanga tiri nguva dzose. Maona? Zvino ndinonzwa kuti ndine ngava kwamuri, nokuti vanhu venyu vanouya kumisangano yangu, zvino zvechokwadi handingadi kuti ani zvake aende, anyengedzwa.

⁹⁰ Ndinowanzotaurira vanhu vanondinyorera mivhunzo, iri kunze kwezvandinoparidza papuratifomu... Zvino munyori wangu ari pano, uye nezvimwevo. Kana vandivhunza muvhunzo, “Ko izvi, kana izvo?”

⁹¹ Ndinoti, “Vhunzai mufudzi wenyu, maona. Nokuti, kana akakutungamirira kusvika pauri zvino, kusvika wagamuchira Mweya Mutsvene, achaenderera mberi newe, unoona. Iwe, waona, vhunza mufudzi wako.” Nokuti, zvinhu zvidiki saizvozvo zvinokonzerza nyonganiso, nokudaro ndinozvisiya, munoonaa.

⁹² Zvino, ndakanzi ndiri mu—murwisi wamasangano. Zvino, handizi. Ndinofunga kuti masangano anoshamisa, asi kana hurongwa hwesangano renyu hwaipa, ndizvo zvandinopesana nazvo. Maona? Hazvinei kuti ndeveoneness, kana—kana trinity, kana ipi zvayo, hurongwa; hokuti munosvika pachinhano, imi zvino... munoti, “Tiri veAssemblies of God.”

“Zvino, ndiani avo vari mhiri kwenzira?”

⁹³ “O-o, ihama dzedu. Vanonzi—vanonzi United Pentecost.”

“Zvakanaka, ko avo vari apo?”

⁹⁴ “O-o, ihama dzeFoursquare. O-o, tiri hama dzakanaka. Tinoyanana zvikuru, mumwe nomumwe.”

“O-o, munotenda zvime chete here?”

“O-o, hongu, tinotenda.”

“Zvakanaka, zvino, sei makaparadzana?”

⁹⁵ “Zvino, hama *idzi* dzinobhabhatidza nenzira *iyi*. Uye *ava* vanobhabhatidza nenzira *iyi*, vanomunyika nechiso chakatarisa pasi. Uye *ava* vanobhabhatidza... .

⁹⁶ Sezvinoitwa kuSouth Africa, hama, zvino takasvika ipapo. Vakandivhunza. Rimwe boka rinothabhatidza katatu, chiso chakatsikitsira. Vamwe vanobhabhatidza katatu, negotsi. Uye vakati... Ndikati, “Munozviwana papi?”

⁹⁷ Mumwe akati, “PaAkafa, Bhaibheri rakati Akawira mberi,” vakati, “nokudaro tinofanira kuvanyudza nokumeso.”

⁹⁸ Zvino ndakati, “Zvakanaka,” kune rimwe boka, “maka... Ko imi?”

Vakati, “Makamboviga munhu kumeso kwakatarisa pasi here?”

⁹⁹ Zvino, munoziva chii? Vakapesana vakaita mapoka maviri, masangano maviri. O-o, zvinonzwisa tsitsi, hama! Ndizvo

chaizvo zvinodiwa nadhiabhorosi. Ndizvo chaizvo zvaanoda. Hongu. Zvitorere...

¹⁰⁰ Zvino, munona, haizi Apostolic Faith Mission, kana—kana kuti—kana vePentecostal Assemblies, rimwe divi. Hazvisizvo. Kuna vanhu vakanaka mumapoka ose, savari pano. Asi, munona, chinokanganisa hurongwa hwacho.

¹⁰¹ Zvakaita seKatorike, sezvandakataura kazhinji. Kana ari muKatorike, achivimba naKristu paruponeso, akaponeswa. Chokwadi, ndizvozvo. Kana achivimba nechechi, akarashika. Mumwe wenyu pahama dzePentekosta zivai kuti, kana tichitarisira chechi yePentekosta kutiponesa, “tiri, pakati pavanhu, vanonzwisa tsitsi chaizvo,” ndizvozvo, nokuti takarashika. Ndizvozvo.

¹⁰² Asi kana tichitarira kuna Jesu Kristu, takaponeswa zvino, “nokutenda kwako,” (chii?) mubasa rakapera. Uye zvinhu zvidiki izvi, zvokuti uri webato ripi, hazvipi mutsauko mukuru.

¹⁰³ Zvino, sezvandati kuHama Scism, ku...neHama Ness, “Kupindura muvhunzo wenyu,” Ndakati, “zvino, handina divi randinotora hama. Uye ndinoziva, kana muchiri kukakavara, mose makatsauka. Maona? Nokuti, zviri nani kuti ndikanganise padzidziso yangu, mwoyo wangu wakanaka, pano kuipa mwoyo, dzidziso yakanaka.” Maona? Ndakati, “Chine basa kunyanya, mamirire omwoyo wako.”

¹⁰⁴ Uye ndakaita tsika iyi, yokuti ndizive izvi; kuti kana munhu, hazvina mhosva kuti aitei, uye kuti anopesana nenii zvakadii, kana kuti anotii pamusoro pangu; kana mumwoyo mangu, kwete kuita somurairo, asi kubva pakadzika pomwoyo kana ndisingagoni kuda munhu iyeye kufanana naani nani zvake, ndinobva ndaziva kuti pane chisina kunaka mukati mangu umu, maona. Ndizvozvo, nokuti, hazvinei kana a...

¹⁰⁵ Imwe hama yakauya, nguva diki yapfuura, hama yakatsonga yeChurch of Christ. Uye, o-o, akasvikomira, akati, “Murume uyu ndidhiabbori.” Maona? Akati, “Anoti kuno Mweya Mutsvene.” Akati, “Hakuna zvakadaro. Ivo, zvino, vadzidzi vanegumi navaviri chete ndivo vakagamuchira Mweya Mutsvene. Uye—uye kupodzwa kwavarwere kwakapiwa kuvapostora vane gumi navaviri ava.” Akaenderera mberi, kwehafu yeawa.

¹⁰⁶ Ini ndakati, “Ndipevo nguva, hama. Ndinofunga unofanira kundipavo nguva kutsigira Izvi, maona.” Ndakati, “Wati unotaura panotaura Bhaibheri, uchinyarara paRinonyarara.”

Iye akati, “Ndizvo zvatinoita.”

¹⁰⁷ Ndakati, “Zvino, wati vaapostora vane gumi navaviri chete ndivo vakagamuchira Mweya Mutsvene. Bhaibheri rinoti, ‘Paiva nezana namakumi maviri mumba yapamusoro pakauya Mweya Mutsvene, madzimai navose.’ Ungandiudzavo here, kuti Pauro akanga asina Mweya Mutsvene? Uye akaUgamuchira kwaperia

nguva izvi zvaitika, waona. Zvino wati chipo chokupodzwa chakapiwa vaapostora vane gumi navaviri chete. Asi Stefano akaenda, shure kwamazuva mashoma, uye akanga asiri mumwe wavane gumi navaviri. Akanga asiri muparidzi. Aiva mudhikoni, akaenda kuSamaria akadzinga mweya yakaipa.” Ndakati, “O-o, hama!” Rakanga rakanyarara chaizvo pano, pawanga uchida kuti rinyarare.

¹⁰⁸ Uye zvapera, “Asi,” ndakati, “Ndinokuregerera pakunditi dhiabhorosi, nokuti ndinoziva kuti wanga usingadi kudaro.”

¹⁰⁹ Zvino patakapedza, akauya. Akati, “Pane chinhu chimwe chandingataura. UnoMweya waKristu.”

¹¹⁰ Ndikati, “Zvino, hama, ndiri chii, dhiabhorosi kana kuti ndiri waKristu?” Maona? Maona?

¹¹¹ Asi ndinokuudzai izvi, wonai, nokuti munhu, akakwanisa kuona kuti ndaimuda; kunyangwe zvake, aikakavara, nokurambisia uye achituka. Iye . . .

¹¹² Ndiri muvhimi, uye ndinogara nemhuka dzesango, hupenyu hwangu hwose. Uye vanhu vakati, “Sei . . .” Nguva iya yandakauraya bere riya, nebanga, maona. Vakati, “Wakanga usingarityi here?”

¹¹³ Ndikati, “Kwete. Dai ndakanga ndichiritya, ringadai rakandiuraya, maona.”

¹¹⁴ Asi, onai, haunga—haungaribati kumeso. Rinoziva kuti unotya here, kana kwete. Kana ukatya bhiza, tarisa zvarinokuita, rinokukava. Maona? Zvino kana uchitya . . . Haungarinyengedzi. Unofanira kunge usingatyi zvechokwadi.

Zvimwe chete naSatani.

¹¹⁵ Ndizvo zvazviri pakati pavanhu. Unofanira kuti ude vanhu. Haungabati kumeso. Unofanira kuva norudo, kana kuti zvauri zvichabuda pachena neimwe nguva, maona. Ndizvozvo. Unofanira kuda vanhu zvechokwadi, uye ivo vanoziva kana uchivada. Maona, pane chiripo pazviri.

¹¹⁶ Zvino murume uyu, mazuva mashoma apfuura, akaridzira mudzimai wangu runhare, akabvunza kuti, “Hama Branham varipo here?”

Akati, “Kwete.”

¹¹⁷ Akati, “Zvisinei, pane chimwe chete chandingada kutaura. Ndakapokana navo, padzidzo yebhaibheri, asi ndinoti muranda waKristu.”

¹¹⁸ Zvakanaka, zvino, ndisati ndaenda, akanditumira tsamba, akati, “Ndiri kuuya, kana madzoka. Ndinoda kubhabhatidzwa noMweya Mutsvene wamunotaura.”

¹¹⁹ Zvino, munoonaa, kana mune . . . Dai ndakanga ndina maitiro, okuti, “Zvino, hapana zvauri. Sangano rako harina kunaka, uye—uye imi mose veChurch of Christ hamuna kunaka.

Makaipa. Muri, vanadhiabhorosi.” Handaizokwanisa kubatsira murume iyeye. Uye dai ndakanga ndamuudza kuti ndinomuda, ndisingarevesi mumwoyo mangu, angadai akazviziva. Ndizv zvazviri kwauri. Unofanira kurevesa mumwoyo mako.

¹²⁰ Zvino pahusiku hwandinouya papuratifomu, pasi pesimba rokuziva zvakavanzika zvomwoyo, munoona. Handifungi nezvazvo. Handidyi kubva nguva yedhinha; ndinotsanya nokunamata, uye ndinoswera ndiri mumba. Nokuti, Akandivimbisa kuti Achazviita. Nokudaro ndinoenda ndisina kupokana zvako, nokuti Akazvivimbisa kuti Achazviita. Zvino nokudaro, munoona, ini zvangu...ndinoziva kuti donzvo rangu (chii?), chinangwa changu (chii?), kuti Ushe hwaMwari huenderer e mberi.

¹²¹ Kana munhu akaenda *uku*, *uko*, kana kuchechi ipi; chero achiuya kuna Kristu, hazvina mhosva kwandiri. Uye ndizvo zviri mumwoyo mangu. Munoona? Uye hazvinei, kana tikandopinda Church of Christ, zvose zvakanaka. Zvakarurama. Kana iye ...Kuti apinda chechi ipi, hazvinei kwandiri. Zvino kana ndakwanisa kuti aponeswe mweya wake naKristu, ndizvo zvikuru.

¹²² Zvino ndakati, “Hama Ness, kwete kutsvaga kusiyana . . .” Zvino ndicharatidza. Zvakanaka here kushandisa *ichi*, hama? [Hama ikati, “Hongu.”—Mupepeti.] Ndakati, “Ndinoda kutaura kuti uye kutsanangura.” Uye, pane izvi, ndinoda kuti kwamuri hama muri pano. Zvino, musataura izvi kuungano dzenyu. Kana muchida, uye nditireivo izvi, regai—regai—regai ndingova hama yenyo, maona. Zvino ini, uye kana—kana ndakatsauka, zvino ndiregererei. Asi ndinoda kukutsanangurirai, ndichiona kuti pane mapoka ose pano mangwanani ano, vose veOneness uye ve—veAssemblies, uyezve, vanotenda trinity.

¹²³ Zvino ndinoda kutaura sitatimende iyi. Ndinoda kutaura kuti mapoka ose akatsauka, kana vachiri kukakavadzana mumwe nomumwe, nokuti zvinangwa zvavo zvakaipa. Uye kana zvinangwa zvenyu zvakaipa; hazvinei kuti chido chenyu chii, asi kana chinangwa chenyu kuchido ichocco chakaipa, hapana chinobuda.[Hama Branham vanorova papurupiti kana—Mupepeti.] Ndicho chokwadi.

¹²⁴ Zvino, vamwe vanhu vakati, “Hama Branham, muri weJesus Only.” Ndinoda kukuudzai kuti uku kukanganisa. Handisi weJesus Only.

¹²⁵ Mumwewo anoti, “Hama Branham, muri mutrinitarian here?” Kwete, changamire. Handisi wetrinity. Ndiri muKristu. Maona? Ini—ini—handi...Inzwi rokuti trinitarian haritombotaurwa nezvaro muBhaibheri, inzwi rokuti “trinity”. Uye handitendi kuti kuna vanaMwari vakasiyana vatatu.

¹²⁶ Ndinotenda kuti kuna Mwari mumwe mumashandiro matatu; Baba, Mwanakomana, Mweya Mutsvene. Ndokusaka

takarairwa kubhabhatidza muZita raBaba, Mwanakomana, Mweya Mutsvene. Ndinotenda kuti ndiMwari achizvideredza, achidzika pasi.

¹²⁷ Zvino, Mwari, paAkatanga kuzviratidza kumunhu, Aiva Shongwe yoMwoto. Munozvitenda izvi, handiti? Mu... Muverengi upi zvake weBhaibheri anoziva kuti Shongwe yoMwoto yaiva murenje waiva Mutumwa, ndiye Mutumwa weSungano, anova Kristu.

¹²⁸ Nokuti, Akati....?...ndinotenda kuna Johane 6, ndiko kwaAkati, "Abrahama asati avapo," akati, "INI NDAIVAPO." Akanga ari "NDIRI."

¹²⁹ Zvino, aiva Mwari, mutsvene; kunyangwe munhu akabata gomo, aifanira kuurawa, maona. Zvakanaka. Zvino, Mwari mumwe chete uyu wakaedza kushanda nzira yokudzoka Pachake muchisikwa Chake chaAkasika. Zvino, Haaigona kuuya padyo navo, nokuti vakanga vane zvivi, uye ropa rembudzi nehwai hazvina kutombobvisa chivi. Tinozviviza. Rakangoputira chivi.

¹³⁰ Zvino, Mwari mumwe chete uyu waiva Shongwe yoMwoto, Akava nyama, nokuda koMwanakomana Wake, uye Achigara mumutumbi wainzi Tenzi Jesu Kristu. Bhaibheri rinoti, "Maari munogara kuzara koHuMwari munyama." Uye Jesu akati muna...Zvakanaka, muna 1 Timotio 3:16, "Hakuna angaramba, kuti chakavanzika chaMwari chikuru kwazvo." Zvino kana vachichiti chikuru, nemhaka yei, takafanira kuitei, maona? "Chakavanzika chaMwari chikuru; chokuti Iye wakaratidza panyama, uye akaonekwa navatumwa, ndokugamuchirwa muKubwinya," nezvakadaro. Zvino, Akati muna Johane 14, kuna Thomas, "Kana waona Ini, waona Baba. Uye sei uchiti, 'Tiratidzei Baba?'" Bhaibheri rinoti, "Mwari aiva muna Kristu, achiyananisa nyika kwaAri."

¹³¹ Zvino, Mwari haangavi vanhu vatatu, vanaMwari vatatu. Kana Jesu haangavi Baba Vake paChake, zvose pamwe chete. Maona? Zvino, munoona, zvinoratidza kuti mapoka ose akatsauka kwazvo.

¹³² Uye zvakare, kana mukatarisisa, hapana nzvimbo ... Kana tina vanaMwari vatatu, tiri mahedheni. Zvino, tinoziva izvozvo.

¹³³ Sezvakambotaura mumwe muJudha kwandiri imwe nguva, pandaitaura naye, akati, "Ndoupi wavo ari Mwari wenyu? Ndoupi Mwari wenyu; pakati paBaba, Mwanakomana, kana Mweya Mutsvene? Wako ndoupi?"

Ini ndakati, "Handizvo, hakuna vanaMwari vatatu."

¹³⁴ Akati, "Haungakamuri—kamuri Mwari kumuita vatatu ugoMupa kumuJudha."

Ndikati, "Kwete, changamire." Ndakati...

¹³⁵ Pakapodzwa John Ryan hupofu, paFt. Wayne, munoziva; zvino rabhi ava paMishawa-...kana kuFort...Benton Harbour. Akati, “Haungakamuri Mwari kumuita vatatu ukaMupa kuMuJudha.”

¹³⁶ Ndikati, “Ndicho chokwadi. Handidaro.” Ndikati, “Rabhi, zvingakuomera here kutenda vaprofita?”

Akati, “Kwete”.

¹³⁷ Ndikati, “Muna Isaya 9:6, ari kutaurwa panoti, ‘Nokuti takazvarirwa Mwana, takapiwa Mwanakomana, zita rake richanzi Gota, Mwari SaMasimba, Muchinda woRugare?’”

Akati, “Aitaurwa ndiMesiasi.”

Ndikati, “Zvino, rabhi, hukama hwaMesiasi naMwari hwakamira sei?”

Akati, “Anenge ari Mwari.”

¹³⁸ “Ndizvo zvandaifunga.” Munoona? Zvino, munoona, ndizvozvo chaizvo. Ndizvo zvaAri. Uye ndakati, “Ndiudzei zvino pakatadza Jesu kuzadzisa chaizvo zvakanzvi navaprofita Achaita.” Akatanga kuchema ndokubuda. Ndikati, “Naizvozvo, John Ryan akasvinudzwa.” Maona?

Ivo vakati, “Hazvingaiti kuti Mwari ave nomwana!”

¹³⁹ Ndikati, “Jehovha samasimba akaputira mudzimai, sezvakataurwa nomuprofita kuti Achaita, akasika chizenga cheRopa. Uye zvichibva pachizenga cheRopa iri ndipo pakabva mutumbi waKristu.

¹⁴⁰ “Rabbi, tarirai, muTestamente yaKare,” ndakadaro, “munhu paaienda kundoita chibayiro, aitora gwayana. Aiziva kuti adarika mirairo yaMwari, nokudaro aitora gwayana. Woreurura zvivi zvake, gwayana robva raurawa. Apo ... maoko ake ari pagwayana; aireurura kuti anoziva kuti aifanira kufira zvivi zvake, asi gwayana raitora nzvimbo yake. Zvino ropa raideurwa; iye akabata gwayana kusvikira ava kunzwa hupenyu hwaro hwava kubuda, roomesa mitezo. Zvino muprista, sezvatinoziva, aidira ropa mu—mumwoto, paaritari yendarira yokutongwa.”

¹⁴¹ Zvino ndakati, “Murume uyu, aibva ipapo, achiziva kuti gwayana ratora nzvimbo yake, asi aidzokera nemifungo mimwe chete yaakauya ainayo, maona, nokuti hazvaikwanisa kubvisa chivi. Munoona? Asi, panguva ino, ‘Munhu kana anatswa, haasisina ndangariro yezvivi.’ Kare, paiva nechibayiro chaitwa kamwe pagore. Asi,” ndakadaro, “iko zvino inguva yokuti, ‘munamati kana asukwa, haasisina ndangariro yezvivi.’ Nokuti... .

¹⁴² “Onai, Rabhi. Hupenyu huya, hunotangira muchizenga, chinobva kumurume, chobatana nechomukadzi. Pobuda zai; asi, mhambvo inokwanisa kukandira zai, asi kana isina jongwe, haitotsonyi.”

¹⁴³ Ndikati, “Zvino Mwari, Mukurukuru Anozadza nguva nedenga rose, akadzika kuva chizenga mumimba yomudzimai.” Ndkati zvadaro, “Kana taponeswa nhasi . . . Jesu akanga asiri muJudha kana muHedheni, nokuti zai rakabudisa mutumbi wenyama chete. MuRopa ndimo maiva noHupenyu. Nokudaro ti—tiri . . . Bhaibheri rinoti, ‘Takaponeswa neRopa raMwari.’ Maona, Akanga asiri muJudha kana muHedheni; Aiva Mwari. Zvino, kana tichiuya paaritari tichiisa maoko edu, nokutenda, pamusoro Wake, tinonzwa kutambudzika nokurwadziwa kwaiva paKarivhari uye toreurlura zvivi zvedu, kuti takatadza, uye kuti Akatifira!

¹⁴⁴ “Ipapo, munoono,” ndakati, “ropa regwayana haraikwanisa kudzoka pane izvi, ropa raka . . . Chizenga chakapamurwa, nohupenyu hwakadururwa, pakupamurwa kwechizenga cheropa rakabva pagwayana, haraikwanisa kudzoka pamunamati, nokuti hwaiva hupenyu hwemhuka, uye hahwaisangana nohupenyu hwomunhu.”

¹⁴⁵ “Asi nguva ino, Ropa parakadeurwa, akanga asingori munhu. Hwaiva Hupenyu hwaMwari, hwakadururwa. Uye munamati paanoisa maoko ake, nokutenda, paMwanakomana waMwari, achireurura zvivi zvake; kwete hupenyu hwomumwe munhu, asi Hupenyu hwaMwari hunodzoka mumunhu uyu, Ndihwo Hupenyu Husingaperi. Inzwi rinoti Zoe, rinodudzirwa kuti, ‘Hupenyu’ hwaMwari Pachake. Uye Iye akati Achatipa Zoe, Hupenyu Husingaperi, zvino tiri vanakomana navanasikana vaMwari. Mazvionaka.”

¹⁴⁶ Ndkati, “Zvino chii? NdiMwari, achizvideredza.” Akauya, kokutanga; ‘hapana munhu aikwanisa kuMubata,’ nokuti munhu akanga atadza. Akazouya munyama, ‘kuti aravire chivi, nokuchibvisa.’ Maona, Iye, chinhu chete Mwari chaikwanisa kuita, kuti ave akarurama, kuzviita nenzira iyoyo.”

¹⁴⁷ Somuenzaniso, dai ndanga ndiine simba pamusoro pavanhu vari pano mangwanani ano, serina Mwari pamusoro pavanhu, zvino ndoti, “Munhu wokutanga anotarira bango, anofa,” zvino Tommy Hicks opatarisa? Zvino, ndichifananidza zvakare, ndotora Carl- . . . “Hama Carlson, chifira uyu.” Hakungavi kururama. Ndingati, “Leo, ndiwe munyori wangu; fira munhu uyu.” Hakungavi kururama. “Billy Paul, mwanakomana wangu, fira munhu uyu.” Hazvina kururama. Nzira chete yakarurama, kuti ini ndimufire.

¹⁴⁸ Zvino Mwari ndizvo zvaakaita. Iye, Mwari, Mweya. Uye Akasika . . . Iye, Akashanduka maonekerwe Ake. Zvinofanira kukatyamadza, vanhu, kufunga kuti Jehovha akava mwana. Aigona kuuya, ari murume mukuru, asi Akauya muchidyiro, chezvipfuwo maiva nendove. Jehovha ari mudiki, achichema somwana. Jehovha ari mudiki, achitamba somukomana. Jehovha ari mudiki, achishanda, somuvezi. Jehovha ari mudiki, sejaya.

Jehovha, akarembera pakati pedenga nenyika, nemhomho dzezvidhakwa namate aipfirwa namasoj a kumeso Kwake. Jehovha, achifira vana Vake. Jehovha, achifira, kudzikinura; kwete mumwe munhu, asi Mwari paChake! Wonai, Mwari, ndiyo yaiva hofisi Yake. Akazviitirei? Aiedza kudzoka zvakare mumwoyo womunhu.

¹⁴⁹ Zvino, kare hataikwanisa kuMubata, *Ipapo. Pano apa*, takakwanisa kuMubata namavoko edu. Zvino Akakwanisei, nokuzvipira mutumbi wake? Anova Jehovha *matiri*. Tiri nhengo Dzake. Pazuva rePentekosta, Shongwe yoMwoto yakaZvipatsanura, ndimi dzoMwoto dzikagara pavari, zvichiratidza kuti Mwari aiZvipatsanura pakati peChechi Yake.

¹⁵⁰ Zvino, hama, tinokwanisa kuungana bedzi, kuti tiumbe Izvozvo pamwe chete! Zvino tinova naJehovha mukuzara, kana taungana. Asi tingazvikwanisa sei, kana *uyu* achitaura nendimi uye ane bhabhatidzo, uye *uyu*; ane ndimi yoMwoto *uyu* ari uko, *uyuvo*? NgatiZviisei pamwe chete.

¹⁵¹ Mwari, paakadzika, pazuva rePentekosta, uye Bhaibheri rinoti, “Ndimi dzoMwoto dzakagara pamusoro pomumwe nomumwe wavo.” Uye ivo...“Ndimi, kufanana noMwoto,” mirazvu. Yakanga iri Shongwe yoMwoto iya ichiZvipatsanura nokuZvigovera, pakati pavanhu, kuti tive hama. “Nezuva iro muchaziva kuti Ndiri muna Baba, Baba vari maNdiri; Ini maNdiri, uye imi maNdiri.” Uye, isu, isu tiri vamwe. Tiri vamwe, hatina kupatsanurwa.

¹⁵² Zvino, Jehovha Mwari, *Pano apa*, haaikwanisa kubata munhu, nokuda kwomurairo Wake wohutsvene; Jehovha Mwari akava chivi panzvimbo yedu, akabhadhara mubayiro; kuti Jehovha Mwari mumwe chete auye kuzogara *mukati* medu. Mwari *pamusoro* pedu; Mwari *anesu*; Mwari ari *matiri*. Kwete vanaMwari vatatu; Mwari Mumwe! VanaProfesa vanosangana pfungwa, vachiedza kuti vaZvinzwisise. Chi—chizaruro. Zvinototi zvizarurwe kwauri.

¹⁵³ Zvino, zvino, kana zvouya pakubhabhatidzwa, zvino, vanhu vazhinji...Zvino, munofanira kudaro, hama. Kana, zvakafanana nezvandakataura kuHama Scism neHama Ness, kuti kana muka...Pa—pakamuka gakava. Uye ani, vazhinji venyu vakadzidza vari pano makakodzera kudarika ini; asi ndakaverenga zvakanyanya panyaya yacho. Ndakaverenga Pre-Nicene Fathers, neNicene Council, navanyori vose venhoroondo, nezvimwevo.

¹⁵⁴ Nyaya iyi yakanetsa paNicene Council. Mativi ose akapfuirira kumbeu; Chechi yeKatorike iri mudzidziso yavamwari vatatu, uye rimwe boka richiti ndomumwe, uye mativi ose akasiya chokwadi. Ndizvozvo chaizvo, nokuti munhu akada kuisa dzidziso yake pazviri.

¹⁵⁵ Unofanira kurega kuti Mwari aite, uye hazvitibatsiri isu kuedza kutsvaka kunzwisia. Ngatiendererei mberi uye tisiye Mwari achiita chinhu chaAkafanira kuita. Kana Asina magumo uye achiziva zvose, akatemera magumo kubva pamavambo, chii chatingaita pazviri? Ramba uchienda mberi bedzi. Ndiyo nzira. Usabuda mugwara, sezvandakataura usiku hwapfuura, naJoshua wedu ane simba.

¹⁵⁶ Zvino tarirai, kana kuna vanaMwari vatatu... Ndinoda kukuratidzai kuti zvinosekesa zvakadini. Kana kuna vanaMwari vatatu, zvino Jesu akanga ari Baba Vake Pachake... Jesu haaikwanisa kuva Baba Vake Pachake, ari mumwe. Uye, kana vari vatatu, Haana kuzvarwa nemhandara. Zvino vangani... [Hama Branham vanofananidzira, vachishandisa zvinhu zvitatu—Mupepeti.] Ndinoda kuti *uyu* ndiMwari Baba; uye *uyu* ndiMwari Mwanakomana; uye *uyu* Mwari Mweya Mutsvene.

¹⁵⁷ Zvino, kunemi hama dzakasiyana-siyana dziri pano, tarirai izvi kwekanguva uye muone chandiri kuedza kuratidza. Ndinonamata kuti Mwari achakuitai kuti muone. Zvino, tarisai, mose munotenda zvakafanana, asi Dhiabhorosi angopinda pakati penyu akakupesanisai pazviri. Chinhu chakafanana chaizvo, uye ndichakuratidzai, nenyasha dzaMwari, uye neBhaibheri raMwari. Kana zvisingabvi muBhaibheri, musazvigamuchira. Ndizvozvo.

¹⁵⁸ Asi zvino tarisai. [Hama Branham vanofananidzira, vachishandisa zvinhu zvitatu—Mupepeti.] *Uyu* (chii?) Mwari Baba; *uyu* ndiMwari Mwanakomana; *uyu* ndiMwari Mweya Mutsvene. Zvakanaka, zvino, ngatimbomirai kwemineti, takaisa vatatu ava apo; Mwari Baba, Mwanakomana, uye Mweya Mutsvene.

¹⁵⁹ O-o, ndi—ndichashaya nguva yokuita izvi. Ini...[Hama dzinoti, “Endererai mberi! Endererai mberi!”—Mupepeti.] Asi, onai, zvakanaka, ndichakurumidza sepandinogona. Ndiregererei, hama dzangu, asi ha—ha—handisati ndambotaura nemi, uye ndi—ndinoda kuita izvi.

¹⁶⁰ Uye zvino, tarirai; Mwari Baba, Mwanakomana, Mweya Mutsvene. Zvino, Ndiani aiva Baba vaJesu Kristu? Mwari akanga ari Baba vaJesu Kristu. Tinozvitenda tose. Ndizvo here? [Ungano inoti, “Ameni.”—Mupepeti.] Zvakanaka.

¹⁶¹ Zvino, tikatora Mateo 28:19, pakanzi naJesu, “Endai naizvozvo, mudzidzise marudzi ose, muvabhabhatidze muZita raBaba, Mwanakomana, noMweya Mutsvene.” Mushure mamazuva gumi, Petro akati, “Tendeukai, uye mubhabhatidzwe muZita raShe Jesu Kristu.” Paripo pano kuplesana chaiko. Zvino, ngatisa... pane...

¹⁶² Munhu wose apa chapupu, nezvimwe. Hezvi pano. Hoku kutenda kwangu, uye ndiri kuzviisa pamberi penyu, hama. Handitauri izvi ndiri pamapurupiti; zviri kwamuri. Asi ndinoda

kukuratidzai zvandinoona kumativi ose, kuti Mweya Mutsvene akuzarurirei, maona.

¹⁶³ Zvino, Mateo 28:19, uye kana—kana Mateo 28:19 ichipesana naMabasa 2:38, zvinoreva kuti Bhaibheri rinopesana, kana zvakadaro Harina kukodzera pepa Rarakanyorwa.

¹⁶⁴ Zvino ukacherechedza muna Mateo chitsauko 16, Jesu akapa Petro chizaruro, uye ndokumupa kiyi.

¹⁶⁵ Zvino, rangarirai, Bhaibheri harizarurwe nedzidzo kana namaitire avanhu. Harizaruke. Zvinoitwa nokuzarurirwa.

¹⁶⁶ Chaiva chizaruro, pakutanga. Chii chakaita kuti Abheri ape Mwari chibayiro chakanaka kupfuura Kaini? “Akazvizarurirwa,” kuti akanga asiri mapichisi, namaapuro, namaranjisi, namaapuro. Dai maapuro achiita kuti vakadzi vazine kuti havana kupfeka, zviri nani tivape maapuro zvakare, hama. Haufungi kudaro here? Zvino, izvi, zvinoita sokumhura, asi handisi kuitira kumhura. Asi, akanga asiri maapuro. Kwete, changamire. Zvino, uye dai zvakanga zvakadaro, uye, “Zvakazarurwa kuna Abheri,” kuti akabva paropa rababa vake. Nokudaro akabayira ropa, nokuti akazarurirwa. Zvose zvakavakirwa ipapa.

¹⁶⁷ Zvino tarisai, pano pane mubati wehove akanga akura asina zvaanoziva, asina zivo yakakwana... Bhaibheri rakati akanga asingazivi uye asina kudzidza. Asi akanga akamira ipapo, uye Jesu ndokubvunza muvhunzo, “Munoti Ini Mwanakomana womunhu ndini ani?”

¹⁶⁸ “Mumwe akati, sei, Ndimi—ndimi ‘Mosesi.’ Vanoti Ndimi ‘Mosesi.’ Ivo vanoti, vano... vanoti, uye mumwe akati, sei, Ndimi ‘Jeremia, kana mumwe wavaprofita,’ uye *izvi, izvo*, kana *zvimwe*.”

¹⁶⁹ Akati, “Handiwo mubvunzo wacho. Ndabvunza *imi*. Munoti ndiri Ani?”

¹⁷⁰ Zvino Petro akatsetsenura, achiti, “Muri Mwanakomana waMwari.”

¹⁷¹ Zvino Iye akati, “Wakaropafadzwa iwe, Simoni, mwanakomana waJonasi.” Zvino tarirai. “Nyama neropa hazvina kukuzivisa *izvi*, asi Baba Vangu vari kuDenga.” Maona?

¹⁷² Zvino tarirai, zvino, chechi yeKatorike inoti Akavakira Chechi pana Petro. Handizvo.

¹⁷³ Chechi yeProtestanti inoti Akaivakira paAri iye. Asi tarirai muone, muone kuti ndizvo here.

¹⁷⁴ Akaivakira pakuzarurirwa nomweya kokuti Iye aiva Ani, maona, nokuti Akati, “Wakaropafadzwa iwe, Simoni, mwanakomana waJonasi. Nyama neropa hazvina kukuratidza *izvi*. Ndinoti ndiwe Simoni; padombo *iri*” (dombo ripi? kuzarurirwa) “Ndichavaka Chechi Yangu, uye masuvo egehena

haangaIkundi.” [Hama Branham vanogogodza papurupiti katatu—Mupepeti.]

¹⁷⁵ Zvino, Petro amire aripo paitaurwa Mateo 28, akapinduka uye, mazuva gumi akatevera, nokuzarurirwa ikoko, akabhabhatidza muZita ra “She Jesu Kristu.” Akaitirei kudaro? Nechizaruro chaMwari; uye aiva nekiyi dzoHumambo, hama.

¹⁷⁶ Zvino ndingakugumburai kwekanguva, vamwe venyu, asi mira kwekanguva. Hapana kana pamwe zvapo muBhaibheri pakabhabhatidzwa munhu muZita ra “Baba, Mwanakomana, Mweya Mutsvene.” Hapana kana nzvimbo imwe muMagwaro. Uye kana iripo, ndiratidze. Uye kana ukakwanisa kuzviona muzvinyorwa zvakare zvitvene, chechi yechiKatorike isati yaumbwa, ndinoda kuti undiratidze. Hauwani nzvimbo yakadaro, zvino, uye ndicho chokwadi.

Asi zvino imbomirai zvishoma, imi veOneness, mirai zvishoma.

¹⁷⁷ Zvino, hapana nzvimbo paka... Kana aripo munhu anokwanisa kundiratidza nzvimbo imwe muMagwaro pakaitwa mabhabhatidzire aya muBhaibheri, omuzita ra “Baba, Mwanakomana, uye Mweya Mutsvene,” wakafanira kuuya kundiudza kuti ndapapi pakabhabhatidzwa munhu zvakadaro.

¹⁷⁸ Zvino vamwe vavo vanoti, “Zvino, ndichatoria zvakataurwa naJesu, kwete zvakataurwa naPetro.” Kana vaipesana, mumwe kuno mumwe, tichaita sei? Kana zvisiri zvaMwari, zvino ndapapi muBhaibheri pechokwadi?

¹⁷⁹ Zvinofanira kuti zvose zviwirirane uye zvobatana, uye chizaruro chaMwari bedzi. Zvikoro zvedu hazvidzidzisi izvi. Chizaruro, Chaunofanira kuona.

¹⁸⁰ Zvino, kana varume vaviri ava vaipesana, mumwe kuno mumwe, zvino tiri kuverenga Bhaibheri rakadini? Ndinoziva sei kana Johane 14 iri yechokwadi, kana kwete? Ndinoziva sei kana Johane chitsauko 3 chiri chokwadi, kana kwete? Sei, sei, ndinoziva sei? Maona?

¹⁸¹ Asi nzira chete kuti ndive nokutenda muna Mwari, kuziva kuti Bhaibheri ichokwadi, uye ndotenda kuti Iro nderechokwadi, uye ndorambira paRiri. Kunyangwe ndisingaRinzvisisi, ndinofamba Naro, zvakadaro.

¹⁸² Asi kana kuperesa uku kuripo, zvino ndinoenda pana Mwari, kuti ndinzwisise. Uye Ngirozi imwe chete inosangana neni mumusangano, uye pamanheru, ndiyo Imweyo Yakandidzidzisa Izvi. Maona? Zvino onai kuti ndizvo here, zvazviri zvino.

¹⁸³ Zvino, Mateo 28:19, ngatitarirei kwechinguva zvino. Uye zvino ndichatoria Mabasa chitsauko 2:38 apa, pakanzi naPetro, “Ishe Jesu Kristu.” Zvino Mateo yakati, “Baba, Mwanakomana, uye Mweya Mutsvene.”

¹⁸⁴ Zvino teererai, Akati, “Vabhabhatidzei . . .” Kwete mu “zita raBaba, muzita roMwanakomana, muzita roMweya Mutsvene.” Haana kudaro. Hapana “zita . . . muzita . . . muzita.”

¹⁸⁵ Haana kumboti, “Vabhabhatidzei *mumazita* aBaba Mwanakomana, noMweya Mutsvene,” nokuti hazvirevi chinhu.

¹⁸⁶ Akati, “Vabhabhatidzei muZita (Z-i-t-a) raBaba, Mwanakomana, noMweya Mutsvene.” Ndizvozvo here? [Ungano inoti, “Ameni.”—Mupepeti.] “. . . raBaba, Mwanakomana, noMweya Mutsvene,” chisunganidzavirevo “na . . . na . . . na.”

¹⁸⁷ Kwete “mazita.” Kwete “muzita raBaba, zita roMwanakomana, zita roMweya Mutsvene.” Kwete, “*mumazita* aBaba, Mwanakomana, noMweya Mutsvene. Asi, “muZita,” Z-i-t-a, rimwe, “raBaba, Mwanakomana noMweya Mutsvene.” Zvino nderipi zita racho rakanaka rokubhabhatidza naro? Izita rimwe. Nderipi racho? “Baba” ndiro zita rakanaka here, kana “Mwanakomana” ndiro zita rakanaka here, kana kuti “Mweya Mutsvene” ndiro zita rakanaka here?

¹⁸⁸ Rinofanira kuva “Zita,” riripo. Ndizvo here? [Ungano, “Ameni.”—Mupepeti.] Zvakanaka, zvino ndinoda kukuvhunzai chimwe chinhu, zvino. Kana “Zita,” zvino, kana Jesu akati, “vabhabhatidzei muZita raBaba, Mwanakomana, noMweya Mutsvene . . .” Vangani vanotenda kuti ndizvo zvakataurwa naJesu? [“Ameni.”] Ndiwo Magwaro. Mateo 28:19, “MuZita raBaba, Mwanakomana . . .”

¹⁸⁹ [Hama Branham vanokanganiswa—Mupepeti.] Chinhu chatino . . . Kwete, chinhu, ndinofunga . . . Zvakanaka, changamire. [Hama inoti, “Pamusoroi, Hama Branham?”] Hongu. [“Ndinoda kushandura tepi iyi, uye handisi kuda kuti ndipotse zvimwe.”] Zvakanaka. [Hapana chinhu patepi.]

¹⁹⁰ Zvino, “muZita raBaba, Mwanakomana, noMweya Mutsvene.” Zvino teererai, hama. Hakuna chinhu chakadaro chinonzi zita ra “Baba,” nokuti *Baba* harizi zita. Izwi rinoreva zvaari. Hapana chinhu chinonzi zita ro “Mwanakomana,” nokuti *Mwanakomana* izwi rinotaura munhu zvaari. Hapana chinhu chinonzi zita ro “Mweya Mutsvene.” Ndizvo zvaUri.

¹⁹¹ Ndaitaura izvi imwe nguva tiri pakudy kwamangwanani kwavaparidzi, uye mumwe mudzimai . . . Asingafaniri kunge akadaro, sokuziva kwenyu, ani nani anopindira, nyaya seiyi. Akati, “Mirai zvishoma! Handina kunzwisia!” Akati, “Mweya Mutsvene izita.”

¹⁹² Ndikati, “Ndizvo Zvauri. Ini ndiri munhu, asi zita rangu harizi ‘Munhu.’”

¹⁹³ Iwo Mweya Mutsvene. Harisi zita. Ndizvo zvaUri. Madaidzirwe, zviri pachena, asi handi . . . Iro i—iro i . . . Handiro zita.

¹⁹⁴ Zvino, kana Akati, “Vabhabhatidzei muZita raBaba, neroMwanakomana, neroMweya Mutsvene,” uye hapana zita pakuti Baba, Mwanakomana kana Mweya Mutsvene, zvino Zita nderipi? Tinoda kuti tirizive.

¹⁹⁵ Zvino, tinogona kuzviratidza ipapa, kana mukatarisa uye—uye kundipa kanguvana zvino, ndanga ndichida kuti, kana kuchengetedza nguva shoma. Zvino onai: Mateo 28:19. Zvino, Handitauri izvi . . .

¹⁹⁶ Mungadai, mungadaro makambozviita, vamwe venyu hanzvadzi kana hama. Mungadai makambotora bhuku, rimwe zuva, mukatarisa kokupedzisira kwaro, richiti, “Johane naMaria vakagara vachifara nguva yose pakupera kwazvo.” Zvakanaka, ndiani Johane naMaria? Chii, ndiani Johane naMaria vakagara vachifara narini mushure mazvo? Pane nzira imwe yokuti uzive kuti Johane naMaria ndiani; izvi, kana chiri chakavanzika kwauri, enda uverenge bhuku racho. Ndizvo here? [Ungano inoti, “Ameni. “—Mupepeti.] Enda pokutanga uriverenge rose, rinokuudza kuti Johane naMaria ndiani.

¹⁹⁷ Zvino, kana Jesu akati, Jesu Kristu Mwanakomana waMwari, akati, “Endai naizvozvo, dzidzisai ndudzi dzose, muchivabhabhatidza muZita raBaba, Mwanakomana, noMweya Mutsvene,” uye hapana zita pakuti *Baba, Mwanakomana*, kana *Mweya Mutsvene*. Zvino, kana chiri chakavanzika, ngatiende kumavambo eBhuku.

¹⁹⁸ Zvino ngatiendei kuna Mateo chitauko 1, totangira ipapo, panoratidza madziteteguru, kusvika pandima 18.

¹⁹⁹ Zvino tarirai, zvino tarirai kwechinguva. [Hama Branham vanofananidzira, vachishandisa zvinhu zvitatu—Mupepeti.] Ngatiti *Ava* ndiBaba, kurudyi rwangu; *uyu* ari pakati Mwanakomana; uye *uyu* Mweya Mutsvene. Zvino, *uyu* ndiBaba vaJesu Kristu. Ndizvoka? [Ungano inoti, “Ameni.] Mwari ndiye Baba vaJesu Kristu. Tose tinozvitenda? [“Ameni.”] Zvakanaka.

²⁰⁰ Zvino Mateo 1:18 inoti:

*Kuberekwa kwaJesu Kristu kwaiva kudai: apo . . .
Maria, mai vake, wakati anyengwa naJosefa, vasati
va . . . songana, wakavonekwa ava nemimba no . . .*

²⁰¹ [Hama Branham vanomira. Ungano, “Mweya Mutsvene.”] Ndaifunga kuti *Mwari* ndiye Baba Vake. [Hama Branham vanomira—Mupepeti.]

*Uye achazvara mwanakomana, . . . uye uzomutumidza
kuti JESU: . . .*

*Zvino Josefa murume wake, zvaakanga ari munhu
wakarurama, . . . asingadi kumunyadzisa, akafunga
kumurega chinyararire.*

*Zvino wakati, achirangarira izvozvo, tarira,
mutumwa waShe akazviratidza kwaari pakurota, akati,*

*Josefa, Mwanakomana waDhavidhi, usatya kutora
Maria mukadzi wako: nokuti chakagamuchirwa mukati
make ndecho...*

²⁰² [Hama Branham vanomira. Ungano, “Mweya Mutsvene.”] Ndaifunga kuti Mwari ndiye Baba Vake. Zvino, Ane vanababa vaviri here, hama? [“Kwete.”—Mupepeti.] Hazvingadaro. Kana vaiva vaviri, Akanga Ari mwana wohupombwe, uye chingava chinamato chakadini chatinacho? Munofanira kubvuma kuti Mwari Baba uye Mweya Mutsvene Mweya mumwe chete. Zvirokwazvo, Ndoumwe. Zvirokwazvo, Mweya mumwe chete Iyeye. Zvino, tasvika, patinoona izvo.

*Iye achazvara mwanakomana, ugomutumidza zita
rinonzi JESU: nokuti ndiye achaponesa vanhu vake
pazvivi zvavo.*

...izvozvi zvose zvakaitwa, kuti zviitike...

²⁰³ Ndiri kutora paMagwaro. Imi vaparidzi munoziva, ndichienderera mberi.

...kuti zvizadziswe...zvakarehwa naShe,
nomuromo womuprofita, achiti,
...mhandara ichava nemimba, uye...ichazvara
mwanakomana vachamutumidza zita rinonzi
Emanueri, ndokuti kana zvichishandurwa,...

²⁰⁴ [Hama Branham vanomira. Ungano, “Mwari anesu.”] “Mwari anesu!” Ndizvo here? [“Ameni.”—Mupepeti.]

²⁰⁵ Zvino Zita raBaba, Mwanakomana, noMweya Mutsvene indiani? [Hama inoti, “Jesu Kristu.”—Mupepeti.] Zvakanaka, chaizvo. Ndicho chikonzero Petro aibhabhatidza muZita ra “Jesu Kristu.”

²⁰⁶ Asi, handina mhosva nazvo, kuti unobhabhatidza mumazita aRose of Sharon, Lily of the Valley, kana Morning Star, mazwi anoreva zvaAri, zvakare. Kana mwoyo wako wakarurama pamberi paMwari, Anoziva mwoyo wako.

²⁰⁷ Asi zvino, zvino, ndazvitura. “Zvino, zvino ndakati... Zvino Hama Scism vakati, “Zvino!” Sezvamunoziva, chokwadi, zvinoratidzika seOneness, havana kukanganisa kudaro.

²⁰⁸ Zvino ndakati, “Zvino apa ndinoda kutaura chimwe chinhu kwamuri.” Maona? Ndakati, “Zvino ndinoda kukuratidzai kuti ava, varume vaviri vose, vaitaura zvimwe chete.”

²⁰⁹ Zvino, Mateo akati, “MuZita raBaba.” Ndizvo here? [Ungano inoti, “Ameni.”—Mupepeti.] Zvakanaka. Petro akati, “MuZita raIshe.” Mateo 28:19 inoti, “MuZita raBaba,” uye Mabasa 2:38 inoti, “muZita raShe.” Dhavidhi akati, “Ishe akati kuna She wangu.” Aireva Ani? Baba naShe iZita rimwe. Dhavidhi akati, “Ishe akati kuna She wangu, ‘Gara Iwe parudyi Rwangu.’” Maona, “MuZita raBaba; muZita raShe.”

²¹⁰ Uye Mateo akati, “MuZita roMwanakomana,” uye Petro akati, “MuZita raJesu.” Mwanakomana ndiani? Jesu.

²¹¹ “MuZita roMweya Mutsvene,” aiva Mateo; uye Petro akati, “MuZita raKristu,” Shoko.

²¹² *Baba, Mwanakomana, Mweya Mutsvene*, “Ishe Jesu Kristu.” Sei, zvakakwana sokukwana kwazvingaita. Maona?

²¹³ Hama Scism vakati kwandiri. Hama Scism, hama yeOneness, vakati, “Hama Branham, ndizvozvo, asi,” vakati, “izvozvo ndizvo izvi”.

²¹⁴ Ndakati, “Zvino, izvi ndeizvo.” Ndizvozvo. Maona? Ndakati, “Kana izvo zviri izvi, izvi ndeizvo.” Zvino munokakavadzana nokuda kwei?”

²¹⁵ Ndakati, “Regai ndikuudzei, hama. Zvino kana ndichibhabhatidza munhu, hezvino zva . . .”

²¹⁶ Ndakati, “Zvino, havano Dr. Ness.” Uye mumwe ati, nguva shoma yapfuura, imi hama, munoziva Dr. Ness.

²¹⁷ Zvakanaka, ndichati, pano, Hama Hicks pano, vane . . . Ndinofunga mune Dhigirii rouDhokotera. Ndizvo here? Zvakanaka.

²¹⁸ Zvino ndakati, “Kana Dr. Ness, vakagara pano . . .” Zvino ndakati, “Dai ndaida . . .” Zvino, pandinoenda nomunhu kumvura, kundomubhabhatidza, ndinozviona sezvavanoita, ndakati, “aiva mazwi aimirira Zita Rake.”

²¹⁹ Ndakati, “Zvino, hama dzeAssemblies dzinoshandisa mazwi asingatsananguri zita, uye hama dzeOneness dzinoshandisa Zita.” Ndakati, “Zvino ndinoda kukuratidzai, kuti mose muri kukanganisa, uye kuti zvandiri kutaura ndizvozvo.” Munoziva kuti munofanira ku . . . Vanhu vanenge vari pakuremerwa namaitire awa okukakatirana, unofanira kutaura apa neapo zvinosekesa, kuti vafaranuke. Zvino ndakati, “Ndinoda kukuratidzai kuti mose munokanganisa, uye kuti zvandiri kutaura ndizvo zvakanaka.”

²²⁰ Ndakati, “Zvino ko dai ndaida kuremekedza Hama Ness, Ndoti . . .”

²²¹ Kana, kana Hama Hicks pano, maona. Ndoti, “Hicks!” Zvino, zvingaita here? Kwete. Zvakanaka, ko ndikati, “Dhokotera! Hei, Dhoku! Zvakadini?” Zvino, kunova kusaremekedza, handiti?

²²² “Zvakanaka,” Ndakati, “ndizvo zvamunoita imi maAssemblies, maona. Apo imi maAssemblies pamunoti, ‘MuZita raBaba, neroMwanakomana, uye Mweya Mutsvene,’ zvakafanana nokuti, ‘muzita rarevherendi, dhokota.’”

²²³ Zvino Ndakati, “Zvino, imi hama dzeOneness, kana muchibhabhatidza, munoti, ‘Jesu!’” Havashandisi . . .

²²⁴ Ivo, veJesus Only, vanoshandisa zita ra“Jesu.” Kuna vanaJesu vazhinji. Asi, NdiShe Jesu Kristu, maona. Kuna vazhinji . . . Vanobhabhatidza muzita ra“Jesu,” chokwadi handiwirirane nazvo; hapana Gwaro. Tarira mavambo, uone kana asiri “Ishe Jesu Kristu.” Hongu, Ndiye Ishe Jesu Kristu. Kuna vanaJesu vazhinji, hongu. Uye Kristu ndiye “Muzodziwa.”

²²⁵ Uye Ndakati, “Zvino, dai ndaitaura zvimwe chete kuHama Ness. Ndaiti, zvainaka here kuti nditi ‘Iwe, Ness!?’” Ndakati, “Ndizvo zvamunoita imi veOneness. Maona? Hakungavi here kushora munhu akadzidza, uye ane Dhigiri rouDhokotera? Kana akadzidza nesimba, anofanira kuremekedzwa.”

²²⁶ Uye ndakati, “Zvino kana ndikati, ‘Iwe, Dhoku!’” Ndakati, “Hakungavi kutsvinya here, kuti muparidzi adane mumwe wake saizvozvo?” Kana, ndakati, “Ndiyo nzira yamunoita nayo, muri kudivi chete ramazwi anomirira zita.”

²²⁷ Asi ndakati, “Kana ndaenda nomunhu kumvura; ndinoenda naye ndomuvhunza, tichitaurirana, ndonzwa zita rake nevzose zvaari, uye zvaanotenda.

²²⁸ “Zvino ndonamata, ndichiti, ‘Zvino, Baba, sezvaMakatiraira “kuenda munyika yose kuti tiite vadzidzi pandudzi dzose,’’ Imi hama munoziva kuti ndiwo mavambo, maona. ‘‘. . . .itai vadzidzi vamarudzi ose, muchivabhabhatidza muZita raBaba, neroMwanakomana, neroMweya Mutsvene; muchivadzidzisa kuchengeta zvose” zvaMaka . . . zvinhu zvose zvaMakatidzidzisa.’’”

²²⁹ “Nokudaro ndakati, ‘Pakupupura kwako kwokutenda; pakureurura zvivi zvako, nokutenda kwako muMwanakomana waMwari, ndinokubhabhatidza, hama yangu inodikanwa, muZita raShe Jesu Kristu.’”

²³⁰ Ndakati, “Ndiyo nzira yandinobhabhatidza nayo. Ndinobvuma mazwi anomirira, zvaAiva, zvose Baba, Mwanakomana, noMweya Mutsvene. Uye chikonzero Jesu akatura kudaro, ndechokuti . . .”

²³¹ Zvino tarisai. Kana—kana zvisiri izvo, pano kuplesana muMagwaro ako; pano kuplesana. Uye munozoita sei kana . . . Ko kana hama yechiBudha ikati, “Ko izvi?” Vakati chii pavakandiudza . . .

²³² Paya, pakakwikwidzwa Morris Reedhead nehamu yechiIndia, akavhunza, kuti, “Ko Marko 16?” Akatonzvenga nyaya yacho.

²³³ Haufaniri kunzvenga nyaya ipi zvayo. Ishoko raMwari. Gara Naro. Namata. Wana chizaruro. Zvose zvinofambirana.

²³⁴ Maona, vose vari kutaura zvimwe chete, zvino; kwete mazwi anomirira zvaari; kwete izvozvo. Ndakati, “Zvino . . .”

²³⁵ NdakaMucherechedza. Aiva Baba; kwete mumwe Mwari. Aiva Mwanakomana; kwete mumwe Mwari. Mwari

mumwe chete! Mashandire matatu. Mwari muHuBaba, kana uchida kusevenzesza inzwi iri, muHuBaba; nguva yaakava Mwanakomana; uye ndiMwari mumwe chete ari matiri iko zvino, Ndichava nemi.” Iyo “Ini,” iye pachake, “Ndichava nemi.” Zvino, munoona, mashandire matatu, kwete vanaMwari vatatu.

Zvino, hama, kana vadzidzi vasina kuita saizvozvo, uye navakatevera . . .

²³⁶ Handina chandinotaura pazviri. Zvakangonaka. Asi ndinokuudzai, kuti kana munhu akauya pano, achibhabhatidza muzita ra “Rose of Sharon, Lily of the Valley, uye Morning Star,” zvakare achitenda kuti Jesu Kristu Muponesi wake; ndinoti, “Mwari akuropafadze, hama! Uya, tifambe tose!” Maona? Ndizvozvo. Nokuti, kana mwoyo wako usina kunaka, iwe hauna kunakavo, saizvozvo. Ndizvozvo chaizvo. Uye mwoyo wa—wako unofanira kuva wakanaka.

²³⁷ Uye ndakati, “Zvino tarirai. Zvino, dai ndanga ndichikwazisa Hama Ness ava pano, ndaiti ‘Revherendi Dhokota Ness.’ Ndizvo chaizvo. Muparidzi. Vanofanirwa kuonekwa sarevherendi. Vakadzidza, zvakanyanya. Vane Dhigirii rouDhokota, saka vanofanirwa kunzi ‘dhokota.’ Ndiro izwi rinotsanangura zvavari, maona. Asi zita ravo ndi‘Ness,’ haro. Zvino, handifaniri kuti, ‘Hei, Ness! Hei, Dhoku!’ Kwete, hazvinganaki. Ndinoti, ‘Revherendi Dhokota Ness.’

²³⁸ “Maona, ndiwo madanire andingavaita, maona, zvaAri; zvose Baba, Mwanakomana, noMweya Mutsvene, ‘Ishe Jesu Kristu.’” Maona?

²³⁹ Zvino ndakati, “Kana ndikabhabhatidza munhu mumachechi enyu mose, ndiyo nzira yandinobhabhatidza nayo.” Ndakati, “Mungamugamuchira here, Hama Ness?”

²⁴⁰ Vakati, “Hongu. Akabhabhatidzwa muZita raBaba, Mwanakomana, noMweya Mutsvene.”

Ndakati, “Mungamugamuchira here, Hama Scism?”

Vakati, “Hongu, abhabhatidzwa muZita raJesu.”

²⁴¹ Ndiyati, “Zvino kunetsana ndokwei, hama? Madii kutenda saizvozvi, mobvisa miganhu iyi yakasunga vanhu vari imomo. VeOneness vanodisisa, chaizvo, vanhu veungano, vanoda kunamata neveAssemblies. Uye vanhu veungano, yeAssemblies, vanoda kunamata neveOneness. Uye hama dzinoda kudaro. Ndozvavari. Asi kana dhiabhorosi akakwanisa kuvarwisanisa . . .”

²⁴² Zvino munoona zvandinoreva here, hama? Ndiri kunongedza pachinhu chimwe ichi, Jesu Kristu, nokubatanidza Mutumbi waJesu Kristu. Ndicho chinangwa changu. [Ungano inoti, “Ameni.”—Mupepeti.]

²⁴³ Zvino, Handina chandinotaura pamusoro pokuti, “Hei, hauna kubhabhatidzwa muZita raJesu; uri kuenda kugehena.” Zvino, izvo hazvina maturo.

²⁴⁴ Regai ndikuudzei zvakaitika rimwe zuva. Ndakanga ndiri kuTexas. Ndisati ndaenda... Uye ha—hama dziri pano dzinozviziva. Chechi yeOneness, machechi makumi manomwe namaviri, achitsigira musangano wangu. Zvino ndakaisa Hama Petty, hama yeAssemblies of God, papuratifomu manheru acho. Zvino, munoziva kuti ichokwadi. Ihama inokosha, Hama Petty, kana paine vanovaziva, vanobva Beaumont, kuTexas. Ndomumwe wavanhu vakanakisisa wandati ndambosangana naye. Mudzimai wavo akatendeuka achibva muKatorike, mudzimai ano humwari chaizvo. Ivo munhu waMwari chaiye.

²⁴⁵ Ndiudzei ndiani munhu wakanaka kudarika Roy Wead, weAssemblies of God. Taura mumwe wavarume ava, tarisai pano, hama dzose idzi dziri pano dzandinoziva. Hama kubva kuchechi yePhiladelphia ari pano, uye varume veAssemblies of God, uye ndiani wakanaka kuvadarika? Ndiudzei kuti vari kupi. Ndiudzei kuti ndiani akanaka kudarika Jack Moore? Ndiudzei izvozvo. Ndiye wavanoti... Vamwe vavo. Haazi wenharo. Unowana vane nharo kumativi ose; uye ndipo panonongedzwa navanhu, uye ndipo panonongedza Dhiabhorosi.

²⁴⁶ Asi vose vanhu vaMwari. Mwari akavapa Mweya Mutsvene. Dai dzisiri tsitsi dzaMwari, tingadai takaparara, munharo dzedu nezvimwe. Ndizvozvo chaizvo. Asi nyasha dzaMwari dzinotisunganidza pamwe. Ndiko kusaka tichiimba, “Blest be the tie that binds our hearts in Christian love.” Ndizvo zvatinoda.

²⁴⁷ Zvino munombozivei? Supuritendendi mukuru we—weChechi, akandidaidza, uye akati, “Munoziva here zvamakaita husiku hwapfuura?” Husiku hwangu hwechipiri ikoko.

Ndakati, “Chii?” Ndakati, “Takava nenguva inoshamisa.”

Akati, “Makaisa murume papurupiti mutadzi.”

Ndikati, “Handina kuziva.” . . . ? . . .

Akati, “Uya anonzi Petty.”

²⁴⁸ “O-o,” Ndakati, “mutadzi? Sei,” ndikati, “muparidzi weAssemblies of God, hama.”

²⁴⁹ Akati, “Hongu, asi achiri mutadzi, nokuti haana kubhabhatidzwa zvakanaka.”

²⁵⁰ Ini ndikati, “Hama, ndapota ndiudzei kuti chii chaakaita.” Ndikati, “Ano Mweya Mutsvene.”

²⁵¹ Iye akati, “Hama Branham, Petro akati kudini? ‘Tendeukai, uye mubhabhatidzwe muZita raJesu Kristu kuti muregererwe

zvivi zvenyu.’ Nokudaro zvivi zvakoko hazvingaregererwi kana usina kubhabhatidzwa muZita raJesu.”

Ndakati, “Ndiyo nzira yacho here, hama yangu?”

Akati, “Ndiyo nzira.”

²⁵² Ndakati, “Uye Mwari Akapidigura hurongwa Hwake kana zvakadaro, muna Mabasa 10:49, nokuti, ‘Petro akati achataura mashoko awa, Mweya Mutsvene wakaburuka pamusoro pavose vakanzwa shoko,’ maona, uye vakanga vasina kubhabhatidzwa, zvachose. Zvino, Mwari Akapa Mweya Mutsvene kuvanhu vakanga vasina kana kutendeuka?” Ndakati, “Zvino uchakamira papi?”

²⁵³ Akati, “Munoziva zvatichaita?” Akati, “Tichaisa muganhu kupoteredza sangano redu, uye tokuisai kunze kweungano yedu.”

²⁵⁴ “Zvino,” ndakati, “Ndichaisa mumwe muganhu, ndokuisa mukati zvakare.” Ndakati, “Hamungandiisi kunze, nokuti ndinokudai. Maona, hamungadaro.” Ndakati, “Pane hama dzakawanda mubato re-renyu vanondida uye vanotenda mandiri.” Ndakati, “Imi, ndicha—ndicha... Vanouya, zvakadaro.” Ndakati, “Vanouya. Uye hamungandiisi kunze. Kana mukandiisa kunze, ini ndichakuisai mukati zvakare.” Ndakati, “Kana maisa muganhu; Mwari, nenyasha Dzake, achaита kuti ndiise mumwe muganhu unokuisai mukati zvakare.” Ndizvozvo. Kuvadzorera mukati zvakare.

²⁵⁵ Uye, hama, o-o, muZita raKristu ndingataura here izvi. Nda—ndakatora... Ndinoziva kuti ndiri kutora nguva pano; uye yava kukwana nguva yokuvhara, ndinofunga, asi regai nditaure izvi, maona.

²⁵⁶ Uye ndikati kumurume uyu, ndakati, “Ndinowirirana newe kana uchiparidza Magwaro, une rudo, uye uchitenda kuti... uye uchiparidza uye uchibhabhatidza vanhu... kwete muzita ra‘Jesu,’ Jesu chete. Kwete, changamire. Ndi—ndine chokwadi chokuti handiwirirani nazvo, nokuti ndinoziva vana Jesu vakawanda; ndinovaziva muAfrica uye nzvimbo dzakasiyanasiyana, vanhu vanonzi Jesu. Asi kana ukashandisa manzwi okuti ‘Ishe wedu Jesu Kristu,’ ndinowirirana newe. Ndizvo zvakanaka. Ndichamira newe. Ndinofunga kuti unofanira kuisa ‘Baba, Mwanakomana, noMweya Mutsvene’ kutanga, waona, kuti usazokanganisa.” Ndakati, “Ndinofunga unofanira kudaro.”

Asi iye akati, “O-o, kwete, kwete! Izvo, kudzokera kudzidziso yavamwari vatatu.”

Ndikati, “Haizi dzidziso yavamwari vatatu. NdiMwari mumwe mumashandire matatu.”

²⁵⁷ Kwete tiriniti, vana Mwari vatatu. Hatina vana Mwari vatatu. Zvirokwazvo kwete. Hapana zvakadaro. Hazvina kumbodzidziswa muBhaibheri. Uye kuna Mwari mumwe chete.

“Inzwa iwe, O Israeri, Ndini Ishe Mwari wako.” Mwari mumwe. Murairo wokutanga, “Usava navamwe vamvari kunze Kwangu.” Zvirokwazvo, NdiMwari Mumwe, kwete vatatu.

²⁵⁸ Madzidzisire echikatorike; uye zvakabva paKatorike kuenda kuLutheran, uye nedzakatevera, nedzimwevo, uye zvinotendwa pakati pavanhu nhasi kuti tina vana Mwari vatatu.

²⁵⁹ Ndipo pausingazombo...Vhangeri iyi haizomboendi kumaJudha...Zvinova, zvandakaprofita mangwanani aya kumumishinari wechiJudha paya. Haungapi vana mwari vatatu kuMuJudha. Haangazvikwanisi. Iyewo, haazi izvozvo; anonzwisia kupfuura izvi. Maona, anoziva Bhaibheri kupfuura izvi. Asi haAzi vana mwari vatatu, ku—kuMuJudha. Ukamuita kuti aone kuti NdiJehovha mumwe chete, anozvigamuchira pakarepo. Hongu! Ndizvozvo, maona.

²⁶⁰ Uye ndinotenda zvose izvi. Sezvakataurwa naJosefa, “Hama, musazvinetsa, nokuti ndiMwari akaita izvi,” munoonaa. Kuti, chinhu chive saizvozvo nokudaro zvakachengeterwa nguva ino, ndizvo zviripo, nokuti nguva yedu yaMaHedheni yava kuda kupera. Zvino, ndinozvitenda nomwoyo wangu wose. Zvino munoonaa here, hama dzangu? [Ungano inoti, “Ameni.” — Mupepeti.] Ndiri kuedza kusvika pane chimwe chinhu, kuti, boka iri ravanhu, ravarume vakabhabhatidza noMweya Mutsvene.

²⁶¹ Boka raAimee McPherson, akaitei? Akatanga ari weOneness, ndinotenda kudaro; akabuda akava weAssembly; uye akazobuda ndokuita sangano rake rakasiyana; pasina nguva huru yapfuura, kuzviisa mukuba kapoka, kaduku... .

²⁶² Ndakanga ndiri mumusangano waO. L. Jaggers. Zvino, tose tinoziva O. L. Jaggers. Baba va—vake vakabatsira kuvamba General Council yeAssemblies of God. Zvino, O. L. munhu mukuru. Muparidzi mukuru. Ndakamuudza, kasiri kare, ndikati, “Hama Jaggers, dai ndaikwanisa kuparidza sezvamunoita, handaizova neshumiro yokunamatira vanorwara.” Asi vakanga vane zvose ropa newaini, nezvimwe, pavakatanga ikoko.

²⁶³ Ndiregererei, kana ndichikugumburai, hama, panyaya iyi. Ndi—ndi ... Zvakanaka. Mwari anokwanisa kuti ropa ribude, waini ibude, kana mafuta abude, zvose zvaAnoda, asi hazviregereri zvivi. Kwete, changamire. Kwete, zvachose. “Ropa raJesu Kristu harishayiwi simba Raro, kusvikira Chechi yaMwari yaponeswa, kuti isazotadzazve.”

²⁶⁴ Ndakati, “Hama Jaggers?” Ndakavatora; ndikafona. Uye ndakanga ndine veChristian Business Men. Ini ndikati, ndikati, “Hama O. L?”

²⁶⁵ “Iye akati, “Ko muri kupi?” Ndakanga ndiri muhotera diki yakachipa. Iye akati, “Munondiudza kuti ndiko kwavakuisai ikoko?”

²⁶⁶ Ndakati, “Changa chiri chido changu. Pandakauya kwamuri,” ndakati, “makandiitirei? Makandiisa muHotera inonzi Statler, uye ndakanga ndisina kusununguka. Makandiisa patafura; ini handina kuziva kuti ndoshandisa banga ripi, kana chii zvacho. Uye handina...Ndikapindamo, ndisina bhachi, vakada kundidzinga.” Uye ndakati, “Ha—Handigoni kuzvibata.”

Akati, “Ndichakuendesai ikoko, kana vasina mari yokuzviita.”

²⁶⁷ Ndikati, “Kwete, changamire.” Ndikati, “Chandinoda kuita kudya nyama nemi, kana muchizobbadhara.”

Akati, “Zvakanaka.”

²⁶⁸ Zvino takaenda kune imwe nzvimbo, tikagara pasi. Ini ndikati, “Hama Jaggers, chokwadi ndinokuyemurai...”

²⁶⁹ Uye ishamwari yangu chaiyo, hama inokosha. Uye Nda—ndaiva nakapepa kayo, uye iye...kakanyorwa pamusoro nomudzimai uya achangosvika kubva mhire kwamakungwa, aiva neropa mumaoko ake, nezvakadaro. Zvino ndaiva naro ipapo. Ndaida kuti aedze kuramba kamwe zvako, uye ndaiva nazvo pa—papepa rake, munoziva.

²⁷⁰ Ndakati, “Ndinoona kwamuri kuenda, kundoita, rumutsiriro rukuru.” Nokuti, veBusiness-men vaiva nenii ikoko, ndizvo chaizvo.

²⁷¹ Ungafunga kuti vanhu vanoziva. Kana Mweya Mutsvene uchiratidza zvinhu papuratifomu, Haukwanisiyo here kuratidza zviri kuitika mune dzimwe nzvimbo, hama? [Ungano inoti, “Ameni. —Mupepeti.]

²⁷² Ndinokwanisa kukuudzai, mutsara nomutsara, ndigosimbisa neHama Carlson, neiyi hama iri *pano*. Ndaiva pamusangano, nezuro, ndikaudza hama idzi zvaizoitika pano mangwanani ano. [Hama inoti, “Hongu, changamire.” —Mupepeti.] Ndizvozvo. Chokwadi. [“Ameni.”] Maona? Nokuti, Mweya Mutsvene wakandimutsa, ukati, “Mira pahwindo.” Ndakatarisa, pahwindo, Iye akandiratidza zviri pano chaizvo *izvi*. Ndikati, “Zvino, hama...” [Hama inoti, “Ndizvozvo.”] Ndakuratidzai izvi, ndizvo chaizvo. Izvo! Maona?

Hongu, vanofanira kuzviviza.

²⁷³ Pano nguva pfupi yapfuura, murume akauya, kuChatauqua, akati, “Hama Branham muprofita.” Handizviti muprofita. Maona? Asi akati, “Hama Branham muprofita kana vari pasi poMweya wokuziva zvakavanzika, asi,” akati, “o-o, Dzidziso yavo ipoizeni. Chenjerai Nayo.” Ndakafunga, kuti munhu akadzidza, angataura zvakadaro?

²⁷⁴ Ko *muprofita* zvinorevei? “Mududziri wakazodzwa weShoko.” “Shoko raMwari rinouya kumuprofita,” munoona. Asi, saizvozvo, hapana kuti izvi kana izvo.

²⁷⁵ Asi, zvisinei, Hama Jaggers. Uye ndakadaro, akati, o-o... Ndikati, "Ndakaona nezvomukadzi uya ane ropa mumaoko ake."

²⁷⁶ "O-o," akati, "Hama Branham, ndicho chinhu chinoshamisa kwazvo chamati mamboona!"

²⁷⁷ Ndakati, "Hama Jaggers, ndinokudai. Kutanga, ndinoda kuti muise ruoko rwenyu muno rwango. Toti tiri hama."

Akati, "Ichokwadi. Pane chiripo here?"

²⁷⁸ Ndakati, "Muri mumwe wavaparidzi vane simba kwazvo vandinoziva. Muri mudziyo wa—wakadini waMwari!"

²⁷⁹ Akati, "Mazvita henyu, Hama Branham. Muri munhu anozvininipisa kwazvo."

²⁸⁰ Ndiyati, "Handitauri izvi kuti ndizvininipise. Ndinozvitura nokuti ndinozvitenda kuti muri muranda waMwari." Asi ndakati, "Hama Jaggers, kusiya kokunge ma... Muri—muri kutsauka zvakanyanya; hamuna chinotsigira zvamunotaura. Muri kuitira..."

²⁸¹ Uye ndiro dambudzikiko ravazhinji venyu veAssemblies of God, navamwe vanhu, mukunamatira vanorwara chete. Handikupii mhosva. Pane zvakawandisa zvinonzi... Uye Tommy, ari pano, ihama yakanaka, uye tinoziva kuti anomira zvakasimba sei. Asi pane zvakawanda munyika nhasi muzita rokupodzwa Kutsvene, hazvishamisi kuti sei musingadi kutsigira musangano muguta. Vanouya vopedzera vanhu mari yose zvokusara vasina chinhu, vobva vaenda. Uye vanhu vawanei? Hapana chavanopa vanhu chinodarika zvamunoita muri papuratifomu, papurupiti dzenyu. Uye muri kunatsa, hama. Ndiri kukuudzai, muri kunatsa. Asi zvakafanana...

²⁸² Ndaiverenga nhoroondo yaMartin Luther. Inoti, "Chakanga chisiri chishamiso kuti Martin Luther akakwanisa kupikisa chechi yeKatorike, pasina zvaanoitwa." Makaverenga nhoroondo yake. "Asi kuti Martin Luther akamira akadzikama mumanyawi ose akatevera rumutsiriro rwake, ndipo pakanga paine chishamiso."

²⁸³ Uye kana mashura aitwa, vasina kudzingiswa vanotevera, sezvazvakanga zviri muEgipita. Uye zvakagara zvichikonzera dambudzikiko munyika. Tinoziva izvozvo, kana tabuda ikoko. Izvozvo, zvakamutsa Kora, uye Mwari akazviparadza. Asi, hama, handikupomerii mhosva.

²⁸⁴ Hama Jaggers vakagara ipapo vachiedza kundiudza kuti waiva Mweya Mutsvene waiita izvi. Uye vakati ... Uye ndaiva, nazvo papepa... Ndakati, "Hama Jaggers, zvino," Ndakati, "Ini ndiri munhu akaita giredhi sevheni. Asi imi muri Dhokota weDhivhiniti, uye mukadzidzira kuva gweta. Makakurira muchechi yakanaka, ine hunhu, yeAssemblies of God. Baba venyu vakabatsira kuvambwa kwokutenda uku. Zvino imi muri

kubuda, zviri kwamuri.” Asi ndakati, “Zviri kuna ani nani, anoda kuita izvozvo. Handina miganhu yandinoisa apa. Asi kana zvasvika panzvimbo yokuti mudziyo wakaita semi, unokwanisa kuisa zvuru zvavanhу kuna Kristu, mungavaka shumiro yenu pamanzwire enyama.” Ndakati, “Hama Jaggers, mukavaka chidziro seicho, kana musina chinotsigira, zvinozowa kwapera kanguva. Uye munofanira kuva naMagwaro ezvamunotaura.”

Akati, “Riripo Gwaro.”

“Ndikati, “Ndiratidzei.”

²⁸⁵ Akati, “Zvino, Hama Branham,” akadaro, “uyo Mweya Mutsvene unoita izvi.”

²⁸⁶ Ndikati, “Ndiratidzei, muGwaro, paRinoti Mweya Mutsvene wakamboita kuti ropa ribude pano mumwe munhu, nezvimwe zvakadaro, seizvi. Ingondiratidzaiwo; mafuta achibuda kubva mavari. Mati,‘mafuta aiva okupodzwa kuTsvene.’ Uye mukati, ‘Iroro ropa romukadzi nderokuponeswa kwendudzi.’” Ndikati, “Kana zvirizvo, ko zvino chii chakaitika kuRopa raJesu Kristu? Rinobviswa. Uye chimwe nechimwe chinopesana Naro, ndianti. Zvinopesana Naro.” Ndakati, “Inova dzidziso ya antikristu.”

“O-o,” akati, “Hama Branham, muchadzidza rimwe zuva.”

²⁸⁷ Ndikati, “Ndinovimba kuti handidzidzi izvozvo. Zvino, hama,” ndakati, “ndinokudai, uye muri hama yangu.” Uye ndakati, “Hama Jaggers, muchatevedza dzidziso yokuti, mushure mechinguva, muchatadza kubva pairi. Dzokerai kuchechi yenu, uye garai neVhangeri.” Uye ndakati, “Musazvivaka pakutekenyedzwa.” Ndakati, “Chi...”

²⁸⁸ Zvino avasvitsa, pakuhabhatidza kuHupenyu Husingaperi, munoziva, vachiti “Nguva yose yamunobhabhatidza, munodzokera kuva mukadzi kana murume mudiki zvakare. Zvino zvinozo...Haachafa (zvachose).” Nokudaro, ikozvino, asvika pamagumo okutsauka uku zvino; uye “mapiritsi amavhitaminzi kubva muDead Sea.” Munoona? Asi ndozvazviri, hama, akatanga namanyawi nokutekenyedzwa.

²⁸⁹ Uye imi varume pano mune chechi idzi, mukarega zvakadaro zvichipinda muguta, uye, munozviziva, Wakaipa ane mano, uye a—apinda muzvinhu zvakadaro. Wotanga gakava. Uye a—anosunga vanhu, okonzera nyonga-nyonga muchechi, nezvakadaro. Asi handizvo.

²⁹⁰ Zvino, apa. Hazvinei kuti uri kunatsa zvakadini, hechino chinhу chimwe chatinotadza nokupotsa, hama dzangu. Zvino ndava kупedza, ndichitaura izvi. Hazvinei kuti ndiri kunatsa sei, uye ndiri mushoko zvakadini, uye kuti ndinoziva Bhaibheri raMwari zvakadini; kana ndisina Mweya waMwari, worudo, mumwoyo mangu, kuvanhu vari munyika, ndinenge ndakaipa.

²⁹¹ Zvino, Pauro akati, muna Vakorinte Yokutanga chitsauko 13, “Nyangwe ndine zivo, maona, uye ndichinzwisisa zvakavanzika

zvose zvaMwari, maona; pasi pazvose, ndomira; uye ndisina rudo, handizi chinhu. Nyangwe ndikataura nendimi dzavanhу uye dzavatumwa,” ava ndivo vaya vanotaura kuna Mwari, uye vanokwanisa kududzirwa nguva yose. “Nyangwe ndikataura nendimi, ndimi chaidzo dzavanhу nedzavatumwa, ndisina rudo, rudo, hazvindibatsiri.” Nokudaro ndikaziva zvakavanzika zvose zvaMwari, uye ndichikwanisa kuzviradanura kuti—kuti zvipindirane, asi ndisina rudo, zvinondibatsirei? Uye kana ndika...

²⁹² Jesu akati, “Neizvi vanhu vose vachaziva kuti muri vadzidzi Vangu, kana mune...” kana veAssemblies vane rudo kune veOneness, uye veOneness vane rudo kune veAssemblies, “kana mune rudo, mumwe kuno mumwe,” anatsa kana akanganisa. Uyezve kana chinangwa chakaipa, tingati donzvo rakaipa, zvimwe, wakaipa kubvira pamatangire ako. Handizvo here? [Ungano inoti, “Ameni.”—Mupepeti.] Maona, “Nyangwe ndikataura nendimi dzavanhу navatumwa, asi ndisina rudo, handizi chinhu.” Nokuti, Mwari rudo. Tinozviziva.

²⁹³ Ndinotenda mukutura nendimi. Zvino, mumwe munhu akati, “Hama Branham havatendi muchiratidzo chokutanga.” Ndinoda kujekesera nemi iko zvino. Maona? Ndinoda kukuudzai.

²⁹⁴ Ndinotenda kuti kana munhu agamuchira Kristu, agamuchira chikamu choMweya Mutsvene. Nokuti, Jesu akati, muna Mateo chi—chitsauko 12, chitsauko 5 uye makumi maviri...ndima 24, Akataura. Kwete, ndinotenda kuti ndiJohane chitsauko 5 ndima 24. Akati, “Uyo anonzwa Shoko Rangu, uye achitenda kuno Uyo wakaNdituma, ano Hupenyu Husingaperi.” Zvino, kune mhando imwe yoHupenyu Husingaperi. “Uye vasingapindi mukutongwa; asi vabva murufu kupinda muHupenyu.”

²⁹⁵ Zvino, ndinotenda kuti hakuna munhu anokwanisa kuzvidana Mwari anototi amudaidze. Uye kana Mwari akamudana zvechokwadi...Uye kuna vanhu vazhinji, tinozviziva, hama, vanopinda mumanyawi vofunga kuti Mwari akavadana, asi hupenyu hwavo hunokurumidza kuti... munoono, munozozviona. Asi kana Mwari akudana, hongu, uchauya, uchavako, uye haudzokeri shure, maona, munozviziva. Uye kana ...Zvino, haizi dzidziso yechiBaptist. Munozviziva imi, maona.

²⁹⁶ Asi, Handitendi kumhorosana maoko kuti uwane kuchengetedza Kusingaperi, nezvimwe zvakadaro. Ini—handitendi mazviri, kwete zvachose. Kana vachida kuzvitenda, zvakanaka, zvakanaka zvose. Ini ndinoti ihama dzangu zvakadaro.

²⁹⁷ Mangwanani ano, dai ndaikumbira chidimbu chepai, (yava kunanaira kusvika panguva yokudya yamasikati), ndingadya

cherry, iwe ungadya apuro, asi tose tiri kudya pai. Maona? Saka hazviiti mutsauko, chero tichidya pai.

²⁹⁸ Ndiyo nzira yatinotenda nayo. Kana uchida kuva weOneness, iva weOneness; kana uchida kuva weAssembly of God, iva weAssembly of God. Kana uchida kuva chaungada kuva hazvinei, ingava Bhaptist, Presbyterian, iva muKristu mazviri. Maona?

²⁹⁹ Uye—uye zvinzvere pachako, asi usakakavara navamwe. Nokuti, zvinhu zvidiki izvi, zvinosangana zvose. Ndizvozvo. Zvinosangana zvose zvouya pachinhu chimwe chete.

³⁰⁰ Uye—uye hazvinei kuti taitei, mashura mangani atakwanisa kuita, makomo mangani atafambisa, kana chipi zvacho; kusiya kokunge tasvika panzvimbo yokuva norudo, kwete kunyepera, asi kudanana. Kana tichida hama imwe neimwe, zvisinei kuti ndewechechi ipi, tinomuda; kwete kungonyepera kuti tinomuda, nokuti tinoziva kuti zvakafanira pakunamata, ndizvo zvazviri, “Tinofanira kuzviita.” Asi, nokuti tinozviita, tinodanana; zvino, mwoyo murefu, kunzwirana.

³⁰¹ Ndinotenda, ndiVakorose 3, pandima 9, pamwe kana padyo naipapo... Dzimwe nguva, ha—handi... Ndingakanganisa Rugwaro rwacho, asi Rakataura izvi. Shure kwokunge tava muKristu, hatichafaniri kuchochora. Maona? Hatingavi nokutenda kana tichiedza kukudzana uye kuremekedzana. Maona, hatingakwanisi kudaro; hatingavi nokutenda. Tinofanira kuremekedza Mwari, maona, toMukudza. Ndotenda muhama dzangu, zvirokwazvo, norudo; asi kukudzwa nokuremekedza ndezvaMwari! Zvinotungamirirwa na... Kutenda uye nokuvimba mumwe kuno mumwe. “Uye musanyeperana.” Maona? “Musanyeperana.” Kana ndikakuudza mangwanani ano, kuti “Ndinokuda,” ndinofanira kurevesa. Kana zvisina kudaro, ndiri munyengeri. Ndizvozvo chaizvo.

³⁰² Zvino, hama, papfungwa iyi... Zvino, Hama Tommy, ndinovimba kuti handina kukunonotsai zvakanyanya pano. Ini ... Hama Tommy vane zvokautaura iko zvino uno. Asi ndingangotaura izvi, kana ndauya pakati penyu...

³⁰³ Ndinotenda izvi. Ndinotenda kuti Mwari Baba vedu vakaputira mhandara yainzi Maria, uye vakasika maari chizenga cheRopa chakazobereka Jesu Kristu, waiva Mwanakomana waMwari, tabhernakeri makazviratidza Mwari Pachake, munyama, akaZviratidza pakati pedu. “Mwari aiva muna Kristu, achiyananisa nyika kwaAri.” Ndinotenda kuti Ropa iroro rakadeurwa paKarivhari, kuitira kanganwiyo yezvivi zvedu. Uye Mweya ukabuda maAri ukadzoka paChechi, nokuti, Kristu, Mweya Mutsvene; Kristu, Shoko, aiva matiri zvino, bhabhatidzo, yoMweya Mutsvene. Uchitiita... Kristu akaZvipatsanura, achipa Hupenyu Hwake kuno mumwe nomumwe wedu, kuti

isu, seboka ravanhu, tive Kereke yaMwari. Uye nguva pfupi yapfuura...

³⁰⁴ Ndaisitasva. Munozviviza. Baba vangu vaiva mutasvi, vari nyanzvi. Ndaisitasva. Takananga ku—ku...kuBani reArapaho, ndiri kureva Rwizi runonzi Troublesome, rwuri kuSango reArapaho. Bato reHereford rinoFudza kubani irori. Uye mubani iri, vafudzi, va—vane bundo rakawanda zvokuti vanokwanisa kukudza. Uye purazi rinokwanisa kupa huswa hwakawanda hunokwana tani, unokwanisa kufudzira mhou ku—kumafuro, ari zasi kweEstes Park uko, zvakare unokwanisa kufudzira mhou pama-... Ndiko zvakare kumwe kune nzvimbo yangu yandinovhimira, ikoko. Uye ndakafudzirako kwegore. Ndaienda, panguva yeChirimo uye yeChando, kana ndapiwa mazuva kubva pabasa uye pandaikwanisira, ndainotasva tichidzora zvipfuwo, kuti ndingovapo, nokuti ndinofarira kutasva. Uye kwose kumusoro nezasi kweran...bani iri, maiva makazara navafudzi vaiva nemvumo, yokufudziramo n'ombe dzavo. Uye muChirimo, kazhinji, ndakavabatsira kukokorodza mombe dzavo nokudzitinhira imomo.

³⁰⁵ Uye pane fenzi yomuganhу, yokuti dzisapinda pamafuro avanhu, dzichipfuura kuenda kuranji. Uye muridzi weranji aimirapo achiverenga n'ombe dzacho dzichipinda. Zvino ndakagara, mazuva mazhinji, maawa achingopfuura; ndichiona n'ombe dzaVaGrime dzichipinda, chikwangwani chake chainzi Diamond Bar; yedu yainzi Turkey Track; yavo yaizvi Tripod pazasi pedu; uye Jeffrey, nezvimwevo. Zvino ndaiti ndaisa gumbo rangu paseduro, sezvinozivikanwa navazhinji venyu, ndakagarapo uye ndichitarisa muridzi weranji uyu akamira ipapo, achiverenga n'ombe idzi.

³⁰⁶ Ndakacherechedza chinhу chimwe. Akanga asina hanya zvikuru kuti yaiva mhando ipi. Asi pane chinhу chimwe chaainyatsotarisa, chaiva chikwangwani cheropa. Yaitofanira kuva Hereford isina rimwe ropa mairi kana kuti yaisapinda nedzimwe mukati mefenzi, asi ruvara rwakanga rusina basa.

³⁰⁷ Ndinofunga ndiyo nzira yazvichava paKutongwa. HaAzotariri kuti tiri vapi, asi Anozotarira chikwangwani cheRopa.

³⁰⁸ Ndakakanganisa zvakawanda, hama, uye ndakaita zvinhu zvakawanda zvakaipa. Uye kana nguva dzipi zvadzo pakufamba ndakakonzera, kana kuti wakanZwa chimwe chandingadai ndakatsoropodza kana chandakataura, chingava chakakukanganisa neimwe nzira, ndinokukumbira, sehamu yechiKristu kana hanzvadzi, ndiregererevo. Ndinenge ndisingadi kudaro. Ndakuudzai zviri pamwoyo pangu, kuti muzvivize.

³⁰⁹ Kana pane anoda kubhabhatidza, imi hama itai, mega, (maona.) Kureva kuti, Ini—handiiti. Kana ndikaita,

ndiko kubhabhatidza kwandingaita munhu, sezvandataura. Hazvina mhosva kuti abhabhatidza navapi, maona. Saka unokwanisa kutora munhu, wavari kubhabhatidza muZita raBaba, Mwanakomana, uye Mweya Mutsvene, nowavari kubhabhatidza muZita raShe Jesu Kristu, zvakare. Saka kana ndakabhabhatidza munhu...asi handisati ndambozviita. Ndakangobhabhatidza muchechi mangu chete, uye ndezvavanhu vemo. Uye ndiyo nzira yatinobhabhatidza vanhu muchechi mangu. Kana mukatarira shure, ndiwo maitiro akare echiMishinari, maitiro akare aMamishinari eBaptist. Uye zvino kana...Ndizvozvo.

³¹⁰ Ndinotenda muKupodzwa kwavarwere. Ndinotenda mukuBhabhatidza noMweya Mutsvene. Ndinotenda mu—muMweya Mutsvene unotaura nendimi. Ndinotenda chipo chose chakapiwa naMwari kuChechi Yake. Ndinoenderana nazvo, zvizere. Asi ndinotenda...

³¹¹ Handiwirirani nezvakawanda zveizvi zvatinaزو zvokupodzwa kwamanomano kwatinako nhasi. Ndinoda kumbotaura zvimwe apa. Nguva yapfuura paiva nehama... Uye akanga asiri Hama yangu anodikanwa Tommy Hicks, wandinotora somuranda wechokwadi waKristu. Aiva mumwe murume kune imwe nyika, uye munyika iyi vaiva ne... Aivavo zvake, nguva dzose, “Mupodzi waMwari asiri wechokwadi! Kupodzwa kusina chokwadi,” munoziva, zvakaita saizvozvo.

³¹² Uye ndine tsamba shure kwokunge murume uyu a... kubva kuchechi yeLutheran. Munyori wangu anozviziva tinayo mufaira. Handingataure zita romurume wacho, nokuti hachizi chiKristu. Nyangwe, ndisingawirirani namafungire ake, asi zvakanaka hazvo. Ndinomuda. Ihama yangu.

³¹³ Asi zvakasvika panzvimbo pokuti vaitsvaka kunzwa kutekenyedzwa, kana kuedza kuzvizunguza, kana zvimwe zvakada kudaro, maona. Zvino, izvo, hazvina kunaka, maona, hama. “Kuzunguza muvirikunobatsira zvishoma kwazvo.”

³¹⁴ Zvino uyu muparidzi weLutheran akanyorera muparidzi uya tsa—tsa—tsamba. Achiti, “Imi vavhangeri vokuAmerica munouya kuno,” akati, “nokupodza kwenyu kwamanomano kumunhu wose wose!”

³¹⁵ Zvino izvi zvinoita sokuzvirumbidza kwandava kuita, asi Mwari anoziva kuti handidi kudaro. “Asi,” akati, “pakafa musikana mudiki Deborah Stadsklev, mwana uya, uye mai vacho vakamira zuva riya muIndia...muCalifornia, kwakafira mwana, uye atonhora. Uye pakaonekwa...vakaisa mwana mumaoko eHama Branham, ivo vakamira ipapo vakamatira mwana. Akatanga kuchema nokupfura; uye vakamudzorera kuna mai vake.”

³¹⁶ Vaizivavo nezvakaitika kuMexico. Zvatingati, zvakataurwa neveFull Gospel Business-Men. Munofanira kuva nezvime

zvakasimbiswa nachiremba. Pakafa mwana mudiki wokuMexico mangwanani aya, nenguva dza9.00, uye iyi yakanga yava 11.00 husiku hwacho. Dhokota akanyora sitatimende yake. Hama Espinoza, avo vanozivikanwa nevazhinji venyu veAssembly of God, ndivo vakapiwa sitatimende iyi nadhokota, kuti akanga afa.

³¹⁷ Ndakaona chiratidzo; apo maKatorike zvuru makumi maviri vakaya kuna Kristu, muGuta reMexico. Ndakati, "Tangai mabvunza. Handizivi, mwana uyu . . . Ndakanga ndichangobva kuona chiratidzo chacho."

³¹⁸ Uye Billy aivapo, achiedza, namakumi matatu kana mana amaasha, havana kukwanisa kumisa mudzimai uyu kuti asapindira mumutsetse wokunamatirwa, nomwana wake. Aimhanya napakati pamakumbo avo, nazvose. Saka, pakupedzisira, ndakatuma Jack Moore ikoko. Ndakati, "Enda, undomunamatirwa."

³¹⁹ Ndkatarira uku, ndikaona mwana mudiki wokuMexico achinyemwerera. Ndkati, "Mira zvishoma. Uyai naye pano." Maona? Zvino pandakaisa maoko angu pagumbeze racho. . . Mvura yakanga yanaya, zuva rose. Uye vakanga vamirapo kubva mangwanani, uye dzakanga dzava 11.00 manheru acho. Zvino ndakaisa maoko angu pamwana mudiki uyu. Iye akatanga kukava-kava nokuchema. Vanhu vakatanga kuita mhore mhore.

³²⁰ Zvino, vakaenda naye ndokutora sitatimende. Vakaenda kuna dhokota, zvino dhokota akati, "Ndanyora kuti mwana afa, mangwanani ano nenguva dza9.00. Afa namabayo." Maona? Uye zvino zvinhu izvi nde—nde—ndezvechokwadi. Inhaurwa. Zvakafanira kudaro.

³²¹ Tinofanira kunge takatendeka uye tichitaura chokwadi pazvinhu zvose. Musazviita kuti. . . Regai zviri zvazviri. Regai zvi . . . Mware haana chaanoda kubatsirwa pane chii zvacho. Maona. NdiMware.

³²² Zvino izvi akati zvino, "Asi amai ava pavakadana Hama Branham kuAmerica, vachichema pafoni, 'Uyai kuno mumutse mwana wangu!' Uye Hurumende yeUnited States . . ."

³²³ Murume wake mufundisi kuMauto. Uye mose munoziva Julius, vazhinji venyu; akanyora bhuku pamusoro pangu, *Muprofita Anoshanyira Africa*.

³²⁴ Uye mai vaya vainzwisa tsitsi vechiNorwegian, vaiungudza, zvikuru, vachiti, "Hama Branham, ndakanga ndiripo zvakamutswa mwana uya!" Vakati, "Tinokutendai kuti muri muranda wa. . . waKristu." Vakati, "Uyai, muise maoko pamwana wangu, achapona." Akafa munguva pfupipfupi, nechirwere chamabayo; akarwara kwemaawa mana, kana mashanu.

³²⁵ Uye varume ava vakanga varipo, vachidanidzira nokuita mhere, nokutomhuka, vachiti, “Mwari achamumutsa! Mwari achamumutsa!” Uye vakati . . .

³²⁶ Neizvi, VeAmerica . . . kana, kwete ndege yeAmerica. Mauto eUnited States ndivo vaizonditora nejeti, nokundidzora, zuva rimwe chete iroro. Maona?

³²⁷ Zvino ndakati, “Ndisati ndauya, regai nditsvake kuda kwaShe.” Saka ndakanamata, kwamazuva maviri. Uye dhokota wacho akanga akanaka kwazvo zvokuti akarega mwana aripo.

³²⁸ Zvino, mumwe musi mangwanani, ndamuka ndokutanga kufamba kubuda mukicheni. Ndakatarira; ndakamira ipapo, saizvozvo, ndakaona Chiedza, chakada kuita seicho chiri apo, chaitenderera, akati, “Usabata izvo. Usatuka izvi. Ruoko rwaShe.”

³²⁹ Ndakamhanya ndokufonera vanhu venyika yangu, uye ndakafona ndikati, “Ha—Handikwanisi kuuya.”

³³⁰ Zvino muparidzi uyu weLutheran akati, “Sei musingamiri kusvika manzwa zano chairo rinobva kuna Mwari, sezvakaita Hama Branham, zvino unozoziva zvauri kutaura!”

³³¹ Zvino, ndizvo zvazviri, hama, musamhanyira kuti ndeizvi; momira, monyatsowana, zano chairo kubva kuna Mwari.

³³² Uye nzvimbo dzose idzi dziri pano, dzokunamatira vanorwara dzisina zvadzinoziva nezvaMwari. Ndinotenda kuti Kupodzwa kwakaiswa panheyo, yokuti unofanira kuuya kuna Mwari, kutanga, woMupa mwoyo wako, uye wogeza hupenyu hwako muRopa raJesu Kristu, zvino Mwari anozoshanda newe nokukupodza. Sezvataurwa nehama, pamusoro pomudzimai mudiki waanga anamatira uko, mutsvene waMwari, maona.

³³³ Muhupenyu hwangu, ndakakanganisa kazhinji. Ndakaita zvinhu zvakawanda zvandanga ndisingafaniri. Zvichida, ndikararama nguva refu, ndingakanganisazve zvime. Zvichida zvime zvachozvichava zvigumbuso munzira yenu. Ndinovimba kuti munondiregerera.

³³⁴ Ndaiverenga nezvaAbrahama, pazvigumbuso zvaiva nazvo. Kuti iye, imiwe, zvinhu zvaakaita; akakahadzika pana Mwari; uye akanyepa pamusoro pomukadzi wake; uye nezvimevevo. Asi pakanyorwa nezvake muna VaRoma 4, hapana kutombaurwa nezvokukanganisa kwake, asi pakanzi, “Abrahama haana kukahadzika” nokusatenda . . . muna Mwari, “asi akanga akashinga.” Kukanganisa kwake kwose kwakakanganikwa, Zvinyorwa zvohupenyu hwake pazvakanyorwa. Kugumbuka kwake hakuna kana kutombaurwa. Mhosho dzake hadzina kutaurwa.

³³⁵ Uye, hama, ndinotarisira, kuti kana hupenyu hwangu pahuchaverengwa Zuva iro, kuti Achadzima, zvanguvo,

nokusafunga nezvazvo. Ndinotarisira, muchadarovo. Mwari akuropafadzei.

³³⁶ [Hama Tommy Hicks vanotaura, nokunamata. Ungano inorumbidza Mwari, vozimba *I Love Him*. Hama dzinombundirana, nehanzvadzi dzinodarowo zvakare. Mushure mamaminetsi masere, Hama Branham vakadzoka kumaikirofoni—Mupepeti.]

³³⁷ Dai ndaigona kuona izvi zvichiitika pasi pose, ndingati, “Ishe, regai muranda weNy^u aende!”



KUTSANANGURA HUMWARI SHO61-0425B
(The Godhead Explained)

Mharidzo iyi neHama William Marrion Branham, yakaparidzwa kwokutanga neChirungu musi weChipiri kudya kwamangwanani, Kubvumbi 25, 1961, paHoliday Inn kuChicago, Illinois, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©1992 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org